

ILANNGUSSAQ 1**Tusarniaanermi allakkiaq, Inatsisartut inatsisissaattut siunnersuut aangajaarniutitik atuisoqartarnersoq pillugu misissuisoqartarnissaa pillugu ilinniartinnit aamma ilinniagaqartut ineqarfiini****Skemanngorlugu allakkiaq, tusarniaanermi akissutit taakkualu siunnersummi qanoq atornerarnerat pillugu**

Oqaaseqaatit	Tusarniaavigisaq	Ilanngunneqarpa	Tunngavilersuut
Mio-p isumaqatigaa tigussaasumik suliniuteqartoqartariaqartoq inuusuttut aangajaarniutitik atunerannut atatillugu, tamanna inuiaqatigiinnut annertuunik kinguneqartarmat inuusuttullu ilinniartnerannut atugarissaarnerannullu.	MIO	Naamik	Oqaaseqaatit siunnersuummik allannguissamut pissutissaqartitsinngillat.
FN-ip Meeqqat pisinnaatitaaffii pillugit isumaqatigiissutaani ersarippoq uagut inuiaqatigiittut pissusaaffeqartugut pisariaqartunik iliuusissanik tamanik iliuuseqarnissamut, tamatumani aamma inatsisiliornikkut, allaffissornikkut, isumaginninnikkut aamma ilinniartitaanikkut, meeqqat inatsisunik unioqqutitsisumik aangajaarniutitik atuinnginnissaat pillugu. Tamanna isumaqarpoq uagut inersimasutut qularnaartariaqaripput meeqqap inuusuttuaqqalluunniit atugarissaarnissaa, aamma taanna nammineq isumaqataanngikkaluarpalluunniit. Aangajaarniutitik atuinermut misiligutissanik tiguisarneq tamatumani atornerarsinnaavoq qanoq ikiortariaqartiginerup qulaajarnerani, ilinniartup inuusuttuaqqalluunniit suli	MIO	Naamik	Oqaaseqaatit siunnersuummik allannguissamut pissutissaqartitsinngillat. Taamaattoq oqaatigineqassaaq siunnersuut ilinniartermik ingerlatsiviusunik illersuinerup saniatigut aamma siunnerfeqarmat inatsisitigut illersussallugit meeqqat inatsisunik unioqqutitsisumik aangajaarniutitik atuinnginnissaannut.

annertunerusumik atonerluilinnginnerani.			
Siunnersuummi siunertaasut ilaat ilinniakkaminnik taamaatitsiinnartartut ikinnerulersinniarnert assut naleqquppoq, aangajaarniutitik atuisarneq tigussaasumik ajornartorsiutaammat inuusuttu-aqqat ilinniagaqarnissamut pisinnaatitaaffimminnik atuinissaannut tunngatillugu.	MIO	Naamik	Oqaaseqaatit siunnersuummik allannguissamut pissutissaqartitsinngillat.
Siunnersuut tapersorsorneqarpoq.	MIO, SPS, Qeqqata Kommunua, Imigas-saq Ikiaroor-nartullu pillugit siunnersuisoqatigiit	Naamik	Oqaaseqaatit siunnersuummik allannguissamut pissutissaqartitsinngillat.
Ernumanarpoq aappasaanik ilinniarfimmi misissuinikkut paasineqarpat aangajaarniutitik misissorneqartoq atuisuusooq tamanna ilinniarfimmit ilinniartullu ineqarfianniit anisitaanermik malittarisassat naapertorlugit kinguneqarsin-naammat. Assersuutigalugu ukiukinnerusunut atatillugu, taakkua misileraaleruttortarmata, tamatigut torral-lataanngitsunik.	MIO	Naamik	Oqaaseqaatit siunnersuummik allannguissamut pissutissaqartitsinngillat. Oqaatigineqassaaq siunnersuummi pingaarnertut illersorniarneqarmata ilinniarfiit ilinniartullu ineqarfii, kii-salu ilinniagaqartut allat. Tamatumunngalu atatillugu ingerlatsiviit ilinniartulluunniit ineqarfiisa nalilersortassavaat ingerlatsinermut malittarisassat atuuttut naapertorlugit naapertuilluartumik iliuusissaq sunaasansersoq. Aappasaanik paasisaaneq pinngitsoorani ilinniarfimmit ineqarfigisamilluunniit anisitaanermik kinguneqartariaqanngilaq.
Assigiissaakkanik atortussanik aaqqissuussisoqarnissaa kissaati-gineqarpoq, assersuutigalugu akuersissutinik, pineqaatissiissutaasinnaasunut oqaasertassanik, aamma naammagittaalliuteqarsinnaa-	SPS	Naamik	Oqaaseqaatit siunnersuummik allannguissamut pissutissaqartitsinngillat. Naalakkersuisut tamanna eqqumaffigaat, tamatumani aamma minnerun-

nermut ilitsersuutininik.			ngitsumik akuersissuteqartarnermut oqaaseqaatissaq eqqarsaatigalugu.
Ilinniarfiit aamma ilinniartut ineqarfii SPS-ip paasinninnera naapertorlugu politikkeqaratillu suliniutinik ingerlatsisariaqanngillat, aangajaarniutinik atuinermut tunngatillugu, imaluunniit eqqussisariaqaratik malittarisassanik atuutunik, inatsisissatut siunnersuutaasoq naapertorlugu.	SPS	Naamik	Pingaaruteqarpoq aalajangiutissallugu ilinniarfiit imaluunniit ilinniartut ineqarfii aalajangissagunik periarfissamik a-tuiniarani, aangajaarniutinik misissuinnaanermut, tamatuma assignngimmagu ilinniarfik il.il. suliasaqarfimmi tassani eqqummaarissumik politikkeqanngitsoq. Tassanilu inner-suussisoqassaaq siunnersuummi tunngaviusut pingaartut ilaannut, misiligutissanik tiguisarneq taamaallaat ingerlanneqartassammat ilinniarfiup nammineq ineqarfiulluunniit nalilersimappagu tamatumunnga tigussasunik tunngavissaqartoq.
Oqariartuutigineqarpoq ernummateqarneq pisariaqartumik ikiorsiinnissap tapersersuinissallu tigussaasunngortissinnaaneranut, inunut atonerluisuusunut atatillugu, inummut namminermut tunngatillugu, aammali ilaqutaasunut.	Meeqqat Illersuisuat, Peqqissutsimut Naalakkersuisoqarfik, SPS	Naamik	<p>Pisariaqartunik suliniutinik aallartitsisoqarsinnaaneranut tapersersuisinnaanermullu, kiisalu tigussaasunngortitsisinnaaneranut ikiorsiissutis-sanik atonerluisuusumut tunngatillugu, aallaaviussaaq atonerluisuunerup nassuerutigineqarsinnaanera piviusorsiortumik.</p> <p>Siunnersuutillu eqqaaneqareersutut siunnerfigaa misiligutissanik tiguisarneq kisimiitinneqassanngitsoq. Ilinniartoq misiligummik tigusereernermi pinngitsuuisinnaanngitsut atonerluisuusutullu paasineqarpat ilinniarfiup ilinniartulluunniit ineqarfiata susasaqartunut naleqquttumik ikiorsiisinnaasunut innersuutissavaat, pisariaqartumik ikiorserneqarsinnaaq-qullugu.</p> <p>Tamatumunngalu atatillugu oqaatigi-</p>

			<p>neqassaaq nunatsinni atonerluisunik katsorsaasarneq Peqqissutsimut Naalakkersuisoqarfiup paasissutissiinera naapertorlugu maanna aaqqissuuteq-qinneqarmat, kommunini tamani katsorsaavinnik pilersitsinissaq siunertaralugu, aammalu unitsinnerani katsorsaasarneq annertusarniarlugu.</p> <p>Ilutigisaanillu ajornartorsiut pineqarpoq nunamut tamarmut atuuttumik iliuusissatut pilersaarusiunneqartoq, ikiaroonartumik hash-imik atonerluinermik pinaveersaartitsiniarnermik imaqartoq, meeqqat inuusuttuaqqallu hash-imik atonerluinerat immikkut qitiutillugu samminiarlugu. Tassani aamma isiginiarneqassaaq neqeroorutissanik suliniutissanillu ineriartortitsineq, aamma piaartumik paasisaqartarneq, siunnersuisarneq oqaloqatiginnilluni, aammalu meeqqanut inuusuttuaqqanullu tapersuilluni suliniutit.</p>
<p>Pisariaqassaaq misiligutissanik tiguisarneq tigussaannerusumik allaaserissallugu, maanna § 7-imi allaaserineqarsimaneraniit. Assersuutigalugu amigaataapput aalajangersakkat kina misiligutissamik tiguisinnaanersoq, qanoq tiguisoqartassanersoq, misiligutissaq toqqortarineqartassanersoq, misilinneqartassanersoq, akuerineqartussatullu nassiunneqartassanersoq. Tamanna pisariaqartuuvoq misiligutit uumassuseqarmata, nungujartortarlutillu, aammali nappaatinik akoqarsinnaamata. Taamaattumik isumaliuti-</p>	<p>Peqqissutsimut Naalakkersuisoqarfik</p>	<p>Aap</p>	<p>Aalajangersakkap ersarissumik nalunaariinngilaa misileeriaaseq qanoq ittoq atorneqartassanersoq. Tamatumunga pissutaavoq ingerlaavartumik ineriartortitsisoqartarmat misileeriaatsinik nutaanik, pitsaanerusunillu, soorlu nassuiaatini aamma tamanna nalunaarneqartoq.</p> <p>Suliassaqarfimmi ineriartorneq ima sukkatigisumik ingerlasorinarpoq pissusissamisuussanani siumoortumik mattuteriissalluni suleriaatsimut aalajangersimasumut, ungasinngitsukkut nutaanngilisooersimasusamut.</p>

<p>gilluartariaqarpoq tigussaasumillu allaaserineqarluni, qanoq misiligutissat uumassusillit qanoq misissorneqartarsinnaanersut.</p>			<p>Aalajangersakkallu maanna oqaaser-talerneqarnerata periarfissaqartippaa ingerlaavartumik naleqqussartarnis-saq suliassaqarfimmi tassani ineriartornermut, tamatumanilu immikkut ilisimasaqartunit ikiorserneqartarnissamut.</p> <p>Erseqqissaatigineqarpoq, misissugassanik tigusineq avatangiisini toqqissisimanartuni pisassasoq, pingaartumillu paaseqquneqarpoq assiaqusersukkani eqqiluitsunilu pisassasoq, misissugasumullu innarliinertaqanngitsumik ingerlanneqassalluni.</p> <p>Ilutigalugulu oqaatigineqassaaq 7 imm. 1, Inatsisartut inatsiseqarnermut inatsisillu pillugit immikkoortortaqarfiani misissuisoqareernerani ilanngunneqarpoq Naalakkersuisut pisussaataafileerneqarput aalajangersimasumik pisartussamik tamanut ammasumik, missueriaatsit misissuinernullu atortut tatiginartut pillugit ilitersuisoqartarnissamik qulakkeerinnittusaaanermik, siunertaralugu ammasumik ersarissumillu misissuinerit ingerlanneqartarnissaat, taamaalilluni misissuiffigineqartup piginnaatitaaffiisa innarlerneqanginnissaat qulakkeerumallugu.</p>
<p>Ikiaroomartut aangajaarniutit taamaallaat sukkasuumik misissorneqarsinnaapput, laboratoriat</p>	<p>Peqqissutsimut Naalakkersuisoqarfik</p>	<p>Naamik</p>	<p>Pineqarput pissutsit § 7, imm. 1-imi piumasaqaatinut ilaasut, tatiginassuseqartunik misissueriaaseqarnissaq</p>

<p>avataanni ingerlanneqarsinnaasunik. Aangajaarniutit amerlanerit pillugit misissuinerit taamaallaat laboratoriami ingerlanneqarsinnaapput. Sukkasuumik misiligumik misissuinermi isumannaarneqassaaq misissuineq atorneqartoq qaffasissumik malussarisuseqartoq (ilumoortoq nassaarineqartoq) aamma qaffasissumik ersarisuseqartoq (eqqortoq pitsaanngitsaq) taamalu qaffasissumik naammassisaqarfiulluni.</p>			<p>pillugu, soorluttaaq aalajangersakkap imm. 2-ani suli periarfissaqartoq annertunerusumik pissutsit aqunnissaannut.</p>
<p>Ajornartorsiutitut paasineqarsinnaavoq misiligutissanik tiguisarnerni maleruagassat taamak assigiinngitsigineri. Ilinniarfiit ilaannut maleruagassat inatsimmiipput, allanili, tamatumani aamma ilinniagaqartut ineqarfiini ileqqorissaarnissamut malittarisassani allassimallutik. Ileqqorissaarnissamut malittarisassani ileqqussaq allassimasoq annertuunik piumasaqarpoq demokratiskiusumik peqataatitsisumillu ingerlatseriaaseqarnermik malittarisassaliornerni. Taamaattumik malittarisassaliornerni malitassat tigussaasut allaserineqartariaqarput, tamatumunga atatillugu.</p>	<p>Peqqissutsimut Naalakkersuisoqarfik</p>	<p>Naamik</p>	<p>Siunissami misiligutissanik tiguisarnernut inatsisitigut maleruagassat uani siunnersuummi malittarisassanit aalajangersaavigineqassaaq.</p> <p>Siunnersuummi tassa taamatut aaq-qissuussaarpiarpoq nalorninartut maannamut maleruagassanut tunngasumik pissutigalugit.</p>
<p>Aangajaarniutit ilaat, tamatumani immikkut hash nungujartortitsisartunik akuutissanik akoqarput, misiligutissanik tigusinerni ilaasuni, timimi millugunneqareernerimikkut sivisoorujussuarmik uningasartut, nungunnginnerminni. Sapaatip akunneri arlaqartut atuisoq misiligutissanik taamaasilluni tigusiffigineqarsinnaavoq nassaar-</p>	<p>Peqqissutsimut Naalakkersuisoqarfik</p>	<p>Naamik</p>	<p>Soorlu inatsisissatut siunnersuummi ersittoq, aalajangiisuvoq sumiiffiit ilinniagaqarnermik ingerlatsiviusut aangajaarniutinut illersorneqarnissaat. Tamanna pisassaaq isumannaarneqarneratigut inuit ilinniagaqarfiusuniittut imaluunniit ineqarfiusuniittut misissuiffigineqarsinnaasut aalajangiunniarlugu aangajaarniutini timiminni peqarnersut, apeqqu-</p>

<p>fiusumik, assersuutigalugu qooq aqcutigalugu. Hash pillugu misiligutissamik tigusineq atuisarsimannermut paasissutissanik pissarsiviusoq nammineq isumaqartariaqanngilaq, inuk misiligummik tigusiffiusoq misiligutip tiguneqarnerata nalaani ikiarortoq.</p>			<p>taatinnagu pineqartoq ersittumik ikiaroornersoq.</p> <p>Taamaattoq tamatumunnga atatillugu oqaatigineqassaaq misiligutissamik tigusisinnaaneq tunngaveqartarmat tunngavissalimmik pasitsaassaqarsimanermik, taamalu misiligutissamik tigusiffiginiarneqartoq assersuutigalugu ersittumik ikiarortoq.</p> <p>Imigassaq Ikiaroornerartorlu pillugit Siunnersuisoqatigiit kissaatigisimavaat suliassaqarfimmi tassani akuersaanngitsumik periaaseqartoqarnissaa, tamannalu siunnersuummi ersersinneqarpoq.</p> <p>Taamaattumik naapertuutissanngilaq akuerissallugu inuit ilinniartinnut ineqarfinnullu takkuttarnissaat timiminni aangajaarniutinik "nassarlutik". Pissutsit taamaattut naapertuutissanngillat pingaarnertut anguniakkamut ilinniartitaanermi avatangiisit illersugaanissaannik.</p>
<p>Siunnersuummi siunertat pitsaasut amerlapput, assersuutigalugu inuusuttuaqqat ilinniarnernanni avatangiisit illersorneqarnissaat, isumannaarniarneqarmallu aangajaarniutinik atuinerup annertussu-serisinnaasaata ilisimasaqarfigineqarnerunissaa, taamalu peqataasinnaaneq siunnerfilersukkanik suliniutinik aallartitsiortornissamut, kiisalu susassareqatigiinnerup annertunerusup peqatigiinnerullu annertunerusumik isumaqarnerusullu aqcutissiuunneqarnis-</p>	<p>ASG, Imigassaq Ikiaroornerartorlu pillugit Siunnersuisoqatigiit</p>	<p>Naamik</p>	<p>Oqaatigineqareersutut siunnersuut siunertaqarpoq qularnaassallugu ilinniarnernup avatangiisit toqqissisimannartut peqqinnartullu iluanni ingerlanneqarnissaa, ilinniartinnut aamma ilinniagaqartut ineqarfiini. Soorluli meeqqat oqaaseqartartuata tusarniaanermut akissummini tikkuaraa FN-ip Meeqqat Pisinnaatitaaffii pillugit isumaqatigiissutaani ersarilluinnarpoq uagut inuiqatigiittut pissaasugut iliuusissat pisariaqartut tamaasa aaqqissuutissallugit, tamatumani aamma inatsisitigut illersuineq</p>

<p>saa, ilinniarfinni ilinniartullu ineqarfiini. Kisiannili takujuminaappoq siunnersuutip pisariaqartitsinerit tamakkua sukut naammasinerai, siunnersuutip taamaallaat sammimmagit ilinniarfinni aamma ilinniagaqartut ineqarfiini misiligutissanik tiguisarnissat, pasitsaassisoqarsimatillugu ilinniagaqartoq aangajaarniutitik atornerluisuusoq.</p> <p>Taamaattumik siunertat isiginiakkallu amerlasuut pineqartut naammassisinnaajumallugit inatsissatut siunnersuummiit matumanga allaanerusunik pisariaqartitsisoqarpoq. Paasisitsiniaanernik pitsaanerusunik ilinniartunut, aamma ilinniarfinni ineqarfinnilu sulusunut ilinniartitaaneq sakkussallu pitsaanerusut.</p> <p>Amigaataasorinarpoq pinaveersaartitsinermut katsorsaasarnermullu siunnersuutip atassuserneqarnissaa.</p>		<p>meeqqat inatsisinik unioqqutitsisusumik aangajaarniutitik atuisinnaanerannut. Tassalu tassanngaaniit isigisumik siunnersuut isiginiagassavoq.</p> <p>Tamatumalu saniatigut siunnersuummi ersippoq aangajaarniutitik atuisoqarsinnaaneranut tunngatillugu misiligutissanik tiguisarnermik pilersitsineq kisimiissinnaanngitsoq, aangajaarniutitik atuisoqartarneranut ilinniarfinni ilinniartullu ineqarfiini. Taamaasilluni siunnersuummut nasuiaatini nalunaarneqarpoq naatsorsuutigineqartoq ingerlaavartumik ajornartorsiummik eqqumaffiginnineq pissasoq, tunngavigalugu ilinniagaqartunik oqaloqateqartarnek siunnersuinerlu, tamatumani aamma naleqartitat eqqarsaatigalugit, aammalu ileqqorissaarnissamut malittarisassanik suliaqarneq, ilinniagaqartut ilinniarfiusumi avatangiisinik piginnittuunerannik qularnaarisumik.</p> <p>Taamaakkaluartoq pisariaqartunik tapersersuineq ilalersuinerlu aallartissinnaajumallugu, ikiorsiissutisallu suussusilersinnaajumallugit atornerluisuusumut, atornerluineq paasineqarsinnaassasoq tigussasumillu nassuerutigineqarsinnaassasoq. Siunnersuut ilaasinnaavoq atornerluinermi ajornartorsiutit ersittunngortinneqarnissaanni.</p> <p>Aammattaaq siunnersuut pingaarnertut aalajangiiniartuuvoq aanga-</p>
---	--	---

		<p>jaarniutininik nunatsinni ilinniartinnit ineqarfinnilu atuisarneq akuerineqarsinnaanngitsoq, soorluli pissutsit taamaannerannik nalunaarnerup pingaarutaa aamma puigorneqartariaqanngitsoq.</p> <p>Kiisalu aamma erseqqissarneqassaaq nunamut tamarmut atuuttumik ikiaroorartumut hash-imut tunngatillugu pinaveersaartitsilluni suliniut meeqqat inuusuttuaqqallu hash-imik atornerluinerannik qitiutitsimmat. Qitiutitsineq aamma imaqarpoq neqeroortissanik suliniutissanillu ineriartortitsinermik, siusissumillu paasisaqartarnermik, siunnersuilluni oqaloqateqartarnermik aamma meeqqanut inuusuttuaqqanullu tapersersuilluni suliniuteqartarnermik. Tamatumalu saniatigut Naalakkersuisut Kriminalpræventive Råd suleqatigalugu paasisitsiniutininik suliaqartitsisimapput, aangajaarniutininik atuinerup qanoq sunniuttarneri kingunerisartagaalu pillugit. Paasissutissat angajoqqaanut aamma inuusuttuaqqanut saaffiginnipput, ilinniartitsinermilu aamma atornerqarsinnaallutik. Tamatumalu saniatigut ilaatigut aamma ilitsersuutininik suliaqartoqarpoq qanoq aaqquussinikkut aangajaarniutinut politikkimik suliaqartoqarsinnaanersoq angajoqqaanut, atuarfinni siulersuisunut, ilinniartitsisunut, pisortanullu aammalu inuusuttut ilinniartinnit saaffiginnittumik.</p>
--	--	---

			<p>Kiisalu aamma suliniummik nutaamik ingerlatsisoqarsimavoq, qulequtaqartumik "Inuusuttut pakkutikkitt" inersimasut akisussaaffiannik qitiutitsisumik, aammalu meeqqanik inuusuttuaqqanillu peqqinnartumik inuuneqarnissamut tapersersuinissamut periarfissaqarfiusumik. Anguniagaq pingaarneq tassaasimavoq meeqqat inuusuttuaqqallu siusinnaartumik tobamik, imigassamik aamma hashimik aallartitsisarnerat pinngitsoortinniassallugu.</p> <p>Naalackersuisut peqqissutsimut atitillugu anguniagaanni Inuuneritta II-mi imigassaq aamma aangajaarniutit inuiaqatigiinni peqqissutsimut atitillugu ajornartorsiutit annertunersaattut isigaat, taamalu pinaveersaartitsinnermi qiutiusumik suliniuteqarfissat annertunersaattut, - atornerluineq qanoq ittorluunniit pineqaraluarpat.</p>
<p>ASG-ip nalilerpaa ilinniagaqarfiit ataasiakkaat ilinniartullu ineqarfii ullumikkut misilittagaqareersut ilisarisinnaallugillu atornerluisut, taamalu tigussaasumik pasitsaassisarneq. Tamatumalu assigisaanik ilinniarfiit ilinniartullu ineqarfiisa ileqqorissaarnissamut malitarsissaanni periarfissaqareertoq pasitsaassaqaarsimaneq tunngavigalugu iliuuseqarnissamut, assersuutigalugu mianersoqqusisinnanermut imaluunniit kingullertut ilinniartumik peersitsisinnanermut, tamannalu inatsisissatut siunnersuummi allanngortinneqanngilaq.</p>	<p>ASG</p>	<p>Naamik</p>	<p>Siunnersuut siunnerfeqanngilaq aalajangersagaliornissamik atornerluinerup "atuarneqarsinnaalernissaanut", imaluunniit aalajangersinnaassallugu qaqugukkut tunngavilimmik pasitsaassaqartoqarnerisq.</p> <p>Siuunnersuutilli qularnaarniarpaa inatsisitigut malitassaqaarnissaa misiligitissanik tiguisarnernut, uppernarsarsinnaajumallugu imaluunniit pasinarunnaarsissallugu pasitsaassisimaneq pineqartoq.</p> <p>Kiisalu aamma eqqunngitsumik paasinninneruvoq naatsorsuutigineqarpat ilinniagaqartoq peersinneqartussaasoq tunngavissaqartitamik pasit-</p>

			tsaassisoqarsimappat aangajaarniutininik atuisoqartarneranik. Siunnersuutillu taamaasilluni qularnaassavaa tunngavissaqartitamik pasitsaassisimanerup tunngavissarsiornissaa, misiligutissamik tigusinikkut, ileqqorissaarnissamut malittarisassat atuuttut naapertorlugit iliuseqarfigineqarsinnaasumik.
Nassuiaatini eqqaaneqarpoq siunertaasut ilagigaat atornerluinerup annertussusianik ilisimasaqalernissaq. Taamaattoq siunnersuummi eqqaaneqanngilaq nalunaaruteqartarnissamut pisussaaffik allatulluunniit paasissutissanik ingerlatitseqqittarnissaq, assersuutigalugu misiligutissanik tigusinerni atuisuunerup paasineqartup annertussusia ilinniarfimmi pillugu.	ASG	Aap	Nalunaaruteqartarnissamut il.il. tunngasumik oqaatigineqartut paatsoornermik pissuteqarsimassapput, Siunnersuummi siunertaasoq pingaarneq tassaavoq ilinniagaqartut avatangiisillu ilinniagaqarfiusut illersorneqarnissaat, soorluttaa ilinniarfiit ilinniartullu ineqarfiisa ajornartorsiutip annertussusia paasisaqarfigisinnagaat. Maannali siunnersuummut nassuiaatini immikkoortumi pineqartumi ersarissarneqareerpoq siunnersuummut ilaanngitsoq ilinniagaqarfiit ilinniartullu ineqarfiisa uppersarsartasagaat atornerluineq WHO-p paasininneratut, assersuutigalugu aangajaarniutit atorneqarnerat annertussuiallu pineqartumut avatangiisinullu qanoq ajoqusiitigisarnersut pillugit.
Nassuiaatini eqqaaneqartut siunertat isiginiagassallu amerlasuut pitsaasullu naammassisinnaajumallugit pisariaqartinneqarput katsorsaanermi periarfissanik inuusuttunut atornerluisunut neqeroruteqartoqartarnissaa, ajornanngippat ilinniarnermi malinnaajutigalugu katsorsarneqarnikkut.	ASG	Naamik	Oqaatigineqareersutut siunnersuut pingaarnertut siunertaqarpoq avatangiisinik ilinniarfiusunik illersuinissamik, kiisalu isumannaassallugu ilinniagaqartut aangajaarniutininik atuisuunngitsut aangajaarniutininik naammattuuissannginnissaat, aamma ilinniarfinni ilinniartullu ineqarfiini. Taamaattumik aalajangiusimane-

<p>Amigaataapput inunnut misissuiner- mi aangajaarniutinin unioqqu- titsillutik atuisuusunut katsorsaa- nikkut neqeroorutissat.</p>		<p>qassaaq inatsisunik unioqqu- titsilluni aangajaarniutinin atuisu- neq, asser-suutigalu hash-imik aam- malu nuna-tsinni ilinniarfinni il- inniartullu ine-qarfiini ilisimasas- sanik katersisarneq immikkoortil- luinnarneqassasut. Atornerluiner- mut atatillugu katsorsaasoqartar- nissaa pisariaqartinneqarpat ta- manna siunnersuummi akornu- serneqanngilaq, tamatuma saniar- tigut ingerlanneqarsinnaanera, il- inniagaqartoq tamatuma ilutigisaan- ik aangajaarniutinin atuiner- mik ingerlatsinngippat.</p> <p>Siunnersuutillu oqaatiginneqare- ersut siunnerfigaa siunnersuutip mi- siligutissanik tiguisarnissamut aala- jangersagartai kisimiissanngitsut. Il- inniagaqartoq misiligutissamik ti- gusisoqarneratigut misissuiner- mi paasineqarpat ilumut atornerluisu- soq, pinngitsuuisinnaajunnaarsima- sorlu il.il., ilinniarfiup pineqartoq naapertuuttumik ikiorserneqarnissaa siunertaralugu innersuutissavaa.</p> <p>Tamatumunngalu atatillugu oqaatigi- neqassaaq Kalaallit Nunaanni katsor- saanermik ingerlatsisarneq Peqqissu- tsimut Naalakkersuisoqarfimmiit paasissutissat naapertorlugit maanna nutaamik aqqissuunniarlugu suli- soqarmat, kommunini tamani ator- nerluisunut katsorsaavinnik pilersit- sisoqarnissaanik siunertaqartumik, tamatumalu ilutigisaanik katsorsaa- riaaseq inuk unitsinngikkaluarlugu ingerlanneqartartutut aqqissuunni- arneqarmat.</p>
--	--	---

<p>Annertuumik neriulluarnuvoq naatsorsuutigissagaanni siunnersuut inuussutissarsiortut aningaa-sarsiorterannut pitsaasumik kinguneqassasoq, soorlu tamanna siunnersuummut nassuiaatini allanneqarsimasoq.</p> <p>Ilinniakkamik taamaatitsisarnerup akiorneqarnera ilinniarfiit akuusut sulisuisalu piareersarluarsimansaannik imaqarneruvoq, soorluttaaq paasisitsiniaaneq annertunerusoq ilinniartunillu oqaloqateqar-neq pisariaqartut.</p>	<p>ASG</p>	<p>Naamik</p>	<p>Tusarniaanermut akissummi aanga-jaarniutitik inerteqqutaasunik ilinniagaqarnermut avatangiisini atuneq tamatumalu ilinniakkanut pitsaanngitsumik sunniutai isummersorfigineqarpasinngillat.</p> <p>Nunatsinni ilinniagaqarfiusut inatsisini inerteqqutaasunik aangajaarniutitik peqannginnissaasa isumagineqarnera qularnanngivissumik inuussutissarsiorterarmut pitsaasunik kinguneqassaaq. Ilinniartitaanerni avatangiisit peqqinnarnerusut qularutissaanngitsumik ilinniakkaminnik taamaatitsiinnartartut ikinnerulerneran-nik kinguneqassaaq, kiisalu aamma ilinniagaqartussanik pissarsiortarner-mut iluaqusiissalluni.</p> <p>Tamatumalu saniatigut tunngavio-reerpoq aangajaarniutitik atuinermut inerteqquteqar-neq ilinniarfinni ilinni-artullu ineqarfiini iliuusaassanngitsut kisimik, kisiannili ilassuserneqassal-lutik maanna taamaatiinnarnarner-mut suliniutaasunik aamma aanga-jaarniutit qanoq ajoqusiisarnerannut tunngatillugu oqaloqatigiinnittar-nermik.</p> <p>Soorlu Meeqqat Illersuisuata tusar-niaanermut oqaaseqaataani ersittoq aangajaarniutitik atuneq inuiaqa-tigiinni annertuumik kinguneqartar-poq, annertuumillu inuusuttuaqqat ilinniagaqarniarnerannut inuuneran-nullu aamma sunniuteqartarluni.</p>
--	------------	---------------	---

<p>Innuttaasunut sunniutaasut pillugit siunnersuummut nassuiaatini allaaserisat ersernerluttumik oqaasertaligaarpasipput.</p>	<p>ASG</p>	<p>Naamik</p>	<p>Innuttaasunut kingunerisassaatur oqaasertaliussat isiginiarneqassapput ataqatigiissillugit ilinniagaqarfiusup aangajaarniutinik atuisoqarsinnaaneranut illersorneqarnerani, inuiaqatigiinnut pitsaasumik kinguneqartussaanera tunngavigalugu.</p>
<p>Inatsisissatut siunnersuutip ilinniarsiit pisinnaatitaaffilerpai anertuumik ilinniagaqartut inuttut inuunerannut kiffaangissusaanullu akulerussinnaanermut.</p>	<p>AGS</p>	<p>Naamik</p>	<p>Inatsisissatut siunnersuutip inatsitigtut tassa qularnaatsumik tunngavissalerniarpaa inuit assersuutigalugu ersittumik ikiarootut misissuiffiqineqarsinnaanerat. Tassalu siunnersuutip inatsisini tunngavissat qularnaassavai, soorluttaaq misiligutissamik tiguisarneq pineqartup akuerseqqaarnissaanik tunngaveqartoq. Tamatumalu saniatigtut misiligutissamik tiguisoqarnissaanut qinnuigineqarneq naammagittaalliutigineqarsinnaavoq.</p>
<p>Akuersinissamat piunasaqaat tunngaviatigtut sunniuteqarnaviannigilaq akuersinissamat itigartitsineq § 11, imm. 2 naapertorlugu misiligutissamik tiguisinermi atuisuusutut paasinnertut isigineqassappat.</p> <p>Itigartitsineq akuerineqartoq / taperseerineqartoq taamaasilluni isumaarutissaaq.</p>	<p>ASG, Ilaqutariinnermut, Naligiisitaanermut Isumaginninnermullu Naalakkersuisoqarfik.</p>	<p>Naamik</p>	<p>Oqaaseqaat siunnersuummi § 11, imm. 2-mut tunngasuusimassaaq, taanna tunngaviummat siunnersuutip sunniuteqarluartumik piviusunngortinneqarsinnaaneranut, nuna-tsinni ilinniarsiitni aangajaarniutinik atuisoqartarnera eqqarsaatigalugu. Aalajangersagaq taanna ilaannigippat siunnersuutip pingaarnertut siunertaa tassalu ilinniarnermi avatangiisinik ilinniagaqartunillu illersuinissaaq takorluugaannangussaaq. Tamatumalu saniatigtut erseqqissarneqassaaq misiligutissamik tiguisoqarnissaanut piunasaqaat taamaallat saqqummiunneqarsinnaammat tigussaasumik pasitsaassisoqarsimappat, ileqqorissaarnissamat malittarisassanik unioqutitsisoqarsimasooq, aangajaarniutinik atueqqusinninnermut</p>

			<p>tunngatillugu. Ilinniagaqartorlu naak taanna assersuutigalugu ersittorsuarmik ikiarooraluartoq misiligutissamik tiguisoqarnissaanut itigartitsippat, itigartitsineq taanna § 10, imm. 3, naapertorlugu isigineqassaaq, taamalu misiligutitut atuinnermit akoqartutut.</p> <p>Tamatumalu saniatigut oqaatigineqassaaq ilinniagaqartoq imaluunniit ilinniagaqartut misiligutissamik tigusiffigineqarnissamik qinnuigineqartut qinnuigineqarnertik ilinniarfimiit imaluunniit ilinniartut ineqarfianniit Naalakkersuisunut naammagittaalliutigisinnaammassuk, tamanalu tunngaviatigut tassa Naalakkersuisoqarfimmu akisussaasumut.</p> <p>Tamatumalu saniatigut misiligut misissorneqarnermigut atuisuusimannermut uppersaasoq aamma misilitsinneqarsinnaavoq uppersaaviummik misissuititsinikkut.</p>
<p>§ 7, imm. 2 aamma § 8, imm. 2 pisinnaatitsissutitut aalajangersagaapput "sinnaavutut aalajangersagaallutik". Aalajangersakkat pineqartut tassaammata misissueriaatsinik, misissuinnermi atortunik, misissuinnerup ingerlanneqartaranik aammalu misissuinnikkut paasissutissanik - data - pissarsiarineqartunik, aalajangersagaq taanna pisussaaffittut "saavoq"-tut" aalajangersagaasariaqarpoq. Pingaaruteqarpoq ingerlatsiviit il.il. malittarisassanik malitassaqarnissaat, tamatumani ilutigisaa-</p>	<p>ASG, GE</p>	<p>Naamik</p>	<p>Aalajangersakkat maanna taamatut oqaasertalersorneqarsimanerannut peqqutaavoq taamaallaat nalunaarusiortoqarumaarmat taamatut aaqquissuussinissamut pissutissaqartitsisoqalissappat, soorluttaaq malittarisassat taamatut pinngitsooratik pisariaqartuunngitsut ilinniarfiit allallu siunnersuummik namminermik atuisinnaanerannut. Tassanilu maanna §7, imm. 1, oqaaseqatigiit aappaanni, ersersinneqarpoq Naalakkersuisut misissueriaatsit misissuinnermullu atortut tatiginartut pillugit</p>

<p>nik unioqqutitsisoqarneratigut aalajangersakkat taakkua marluk tunngavigalugit pineqaatissiinertut pisussaaffiliisoqarsinnaammat.</p>			<p>ammasumik ilitsersuuteqattaarnissaannik pisussaaffilerneqarnerat.</p> <p>Aalajangersakkat unioqqutinnerinut kinguneqartitsinermut malittarisassanik aalajangersaasoqassappat § 7, imm. 2 aamma § 8, imm. 2 naapertorlugit, taakku malittarisassani pineqatuni ersissapput.</p>
<p>Ilinniagaqarfiup imaluunniit ilinniagaqartut ineqarfiata aalajangernera misiligutissamik tigusisoqarnissaanik neqeroorniarluni aalajangernera, assersuutigalugu pasitsaassisimanermik tunngavissaqartinneqartumik, imaluunniit ilinniartitsinermut tunngasumik, fagitigut sulianik ingerlatsinermik ilaqartumik, Naalakkersuisoqarfimmut akisussaasumut naammagittaalliutigineqarsinnaavoq. Tamanna sapaatip akunnerini arlalinni suliamik ingerlatsinermik kinguneqarsinnaavoq, isigineqassallunilu naammagittaalliut aalajangiinermik kinguartitsisussaanngitsoq tunngavigalugu. Tamanna naggaataagut pineqaatissiissummik kinguneqarsinnaavoq, inaarutaasumik uppersarsarneqanngikkaluartoq aangajaarniutinik atornerluisoqarsimasoq.</p>	<p>ASG</p>	<p>Naamik</p>	<p>Misiligutissamik tigusinissamut neqeroort saqqummiunneqartoq assersuutigalugu ilinniagaqartunut malunnartorsuarmik ikiaroortunut, ilinniagaqarfimmiittunut ineqarfinniittunulluunniit imaluunniit ilinniagaqartunut ulorianaatilinnik suliaqarfiusuniittunut, assersuutigalugu qartitseriffiusumi, imarsiorfiusumi, maskiinanik ulorianaateqartunik passusiviusuni, il.il. pineqartumut saaffigineqartumit itigartinneqarsinnaavoq.</p> <p>Naammagittaalliteqartoqarnerani aalajangerneqareersimasup unitsineqarallartannginneranut tunngasumik apeqqut pineqartup sukkulluunniit suliasanngorteqqissinnaammagu uppersarsaaviusumik misissuinissamik piunarsaqarnikkut. Kiisalu aamma toqqissisimanartutut isigineqarsinnaanngilaq inuk ersittorsuarmik ikiaroortoq suli ilinniarfimmi ineqarfimiluunniit angalaarsinnaassappat, imaluunniit ulorianaateqarsinnaasuni ilinniarnermut atatillugu suliani peqataasinnaassappat, pineqartup</p>

			misisuisoqarnissaanut peqataajumani naammagiittaalliutaata suliarineqareernissaanut.
Siunnersuummi § 17-imi imaluunniit siunnersuummut nassuiaatini ersinngilaq kina akiliissusanngortinneqarsinnaanersoq, tamatumani aamma ilinniarfiup pisortaa imaluunniit ilinniarfik pineqarnersut.	ASG	Naamik	Pineqaatissiisarnermut aalajangersakkat suliaapput Namminersorlutik Oqartussat taamaattunut malittarisassiai naapertorlugit. Siunertaasorlu tassa pineqaatissiisinaanerup periarfissaanissaa. Kina pineqaatissineqartussaansoq pillugu apeqqummi aalajangiisuuvoq pisoq ingerlatsivimmut imaluunniit inummut ataatsimut tutsinneqartussaansoq.
Siunnersuut 1. august 2016 atortuulertussatut isigineqarmat apeqquuserneqarpoq ilinniarfiit il.il. piareersarneqareernersut siunnersuutip atortuulernissaanut, malittarisassanik nutartserinissaq eqqarsaatigalugu, soorluttaaq nalunaarneqanngitsoq tusarniaaqqit-toqassanersoq.	ASG	Naamik	<p>Oqaaseqaat tunngaveqarsorinarpoq naatsorsuuteqartoqarmat ilinniarfiit ineqarfiillu tamarmik misiligutissanik tigusiortussasut siunnersuutip atortuulerneratigut.</p> <p>Soorluli siunnersuummi ersittoq, aammalu tusarniaanermut atatillugu allakkiami aamma ersilluni, taamaallaat pineqarput ilinniarfiit tamatuminnga pisariaqartitsisut, ileqqorissaarnissamullu malittarisassaatininik inatsimut siunnersuut una naapertorlugi iluarsaassisimasut, siunnersuummik atuisinnaapput. Tamatumalu ilaatut eqqaaneqareersutut taamaallaat siunnersuut atorneqarsinnaavoq tigussaasumik pasitsaasisoqarsimaneratigut, imaluunniit ilinniakkanut atatillugu pissutsini ulorianaateqarsinnaasuni. Ilinniarfiup taamaasilluni ilinniagaqartoq assersuutigalugu ersittumik ikiaruunngitsoq ilinniarnermut ingerlatani ulorianaateqanngitsuniittoq misiligutissanik tigusinermi peqataaqqusinnaanngilaa.</p>

<p>Misiligutissanik tiguisarnissamut periarfissaqarneq ilinniarfinni aangajaarniutitik atuisarneq an-nertuumik ulorianartorsiortitsisarnermik kinguneqartartuni, ilinni-artunut allanullu pissusissami-soorpoq.</p> <p>Ingerlatsivinni allani tamani maanna periarfissaasutut isigine-qareerpoq pissutsini amerlaner-paani, assigiinngitsutigut iliuuse-qarnissamut periarfissaqareemat, aangajaarniutitik atonerluisoqar-tartoq paasineqaraangat.</p> <p>Ingerlatsivinni sulisuusut maanna ilisarisinnaasareerpaat atornelui-soqarnera.</p>	ASG	Naamik	<p>Aallarniutigalugu aalajangiunneqas-saaq iliuuseqarnissamut tunngasumik isumaliutit naammattumik tunngavi-usinnaanngimmata ilinniagaqartunut aangajaarniutitik atonerluisuusutut pasineqartunut akulerutissalluni.</p> <p>Oqaaseqaat taanna soorluuna taa-maallaat isiginiaasooq ilinniagaqartup ersittumik takuneqarsinnaasumik aangajaarniutitik atuisimaneramik paasissutissaateqarnerni, ilinniarfinni ilinniartulluunniit ineqarfiini.</p> <p>Kisiannili tamatuma akerlerisaanik tusarniaanermi oqaaseqaatip tamatu-ma isummerfiginngilaa assersuutiga-lugu ilinniagaqartup ersittumik ikia-roornerata takuneqarsinnaanera, kisi-annili pasitsaassinerit arlaqaraluartut uppersarnarneqarsinnaanngitsoq ilumut assersuutigalugu ikiaroor-nar-tunik atuisoqarnera.</p> <p>Ingerlatsivimmi sulisuusut atoner-luisoqarneramik ilisarinnissinnaane-rat taamaasilluni atorneqarsinnaan-ngilaq tunngavissatut sulisuusup pasitsaasseqqaneramik tunngaveqar-tumik pineqaatissiinissamut.</p>
<p>Inassutigineqassaaq oqaaseq "Ilinniartoq" atorneqassasoq "ilinniagaqartoq" pinnagu.</p>	GE	Naamik	<p>Tamatumani pissutaavoq taaguut "ilinniagaqartoq" ilinniartitaanermut atatillugu atugaalluareemat, tamatu-mani aamma inatsisini, assersuuti-galugu ilinniagaqarnerisuteqarner-mut atatillugu.</p>
<p>Imigassaq aalakoornartoq siun-nersuummi ilaasutut inngilaq, tamanna uppersarnarneqassasoq kissaatigineqarpoq.</p>	GE	Naamik	<p>Tamanna uppersarnarneqarsinnaa-voq, siunnersuut taamaallaat aanga-jaarniutinut tunngasuummat, inatsi-siliortumit inerteqqutaasutut isigi-neqartunut.</p>

<p>Akuersinissamut piunasaqaammi § 3, imm. 1, oqaaseqatigiit kingulliit naapertorlugit ersippoq akuersineq paasissutissanik imaqassasoq misiliguteqarnerup inernerisa qanoq atorneqarnissaat pillugu paasissutissanik, aamma 2 paasissutissat kimut ingerlatseqqinnersinnaanersut. Akuersissummi paasissutissat taakkua ersinnigipata ersarissumik inatsimmut nasuiaatini nalunaarneqanngilaq tamanna qanoq kinguneqassanersoq, paasissutissat tunniunneqannginnerat.</p> <p>Imaaliinnarluni naapertuutinngilaq ilinniagaqartup akuersinissaa misiligutip misissorneqartup allamut atorneqarnissaanut, ingerlaannaq nungutserneqarani.</p>	<p>GE</p>	<p>Naamik</p>	<p>Paasissutissat akuersinertaqanngitsumik ingerlatseqqinneqarpata, tamanna siunnersuummi § 17 naapertorlugu pineqaatissiisinnaanermut aalajangersakkamik unioqqutitsinerussaaq.</p> <p>Paasissutissat misiligummik misissuinikkut pissarsiarineqartut ingerlatseqqinnersinnaanernanut apeqqut misissuinerup qanoq uppersusseqarneranik misissuisussani allani uppersaaviummik misissuisitsinnaanermut tunngavoq.</p>
<p>Siunnersuummi § 6, imm. 2-mut misiligutissanik tiguisarnermut atatillugu paasisitissutigeqqunekarpoq misiligutissamik tiguisinissamut akuersineq piffisaligaanersoq, imaluunniit piffissamut sivi-kinnerusumut sivilunerusumulluunniit aalajangersimasumut tunngasuunersoq.</p>	<p>GE</p>	<p>Naamik</p>	<p>Aalajangersakkami naatsorsuutigineqarpoq ilinniagaqarfiup pineqartup ilinniarnermik ilaatigut ulorianaateqartumik ingerlatsiffiusup pisuni tamani ataasiakkaani qinnuteqaat nassiuttassagaa misiligutissamik tiguisinissamut, soorluli qinnuteqaammi namminermi suna pineqarnersoq allanneqartussaasoq.</p> <p>Aalajangersakkami naatsorsuutaanngilaq akuersissut atuuttuugallartussatut tunniunneqartassasoq.</p>
<p>§ 11, imm. 2-miit § 9, imm. 1-imut innersuussisoqassaaq, eqqortumik tassaassagunavikkuarpoq § 10, imm. 3 (aamma 4) -mut innersuussineq, soorlu tamanna taparserneqartoq § 11, imm. 2-mi allassimasumit.</p>	<p>GE</p>	<p>Naamik</p>	<p>§ 11, imm. 2-mut innersuussineq siunnersuutip § 9, imm. 1-iani tunngaveqarpoq naatsorsuutigineqarmat maanna misiligut atorneqarnermik paasissutissartalik pineqalersoq, tamannalu sanilliunneqassalluni misiligummik tiguisiffigineqartup</p>

			ilinniarfiup ineqarfiulluunniit ileqqo- rissaarnissamut malittarisassai aa- ngajaarniutitik atueqqusinngin- nermut tunngasut unioqputissimagai.
Uppernarsaqquneqarpoq misiligut aammalu paasissutissat misili- gummiit pissarsiarineqartut nu- ngutserneqassasut aserortserne- qarlutik, misiligutissamik tigusi- nermi atorfissaannut atorneqa- reerunik, paasissutissallu atorfis- saaruppata.	GE	Naamik	Tamanna uppernarsarneqarsinnaavoq soorluttaaq tamanna siunnersuummi § 14-imi ersittoq.
Iluarisimaarnarpoq inuusuttut ilin- niagaqartut eqqarsaatigalugit su- liniuteqartoqarmat inuusuttuni atornerluinernut pinaveersaarti- tsissutaasinnaasunik.	Ilaqutariinner- mut, Naligiis- sitaanermut Isumaginnin- nermullu Naa- lackersuiso- qarfik.	Naamik	Oqaaseqaatit qisuariarnissamut pis- sutissaqartitsinngillat.
Danskit saqqummersitaanni nalu- naarneqarpoq aangajaarniutitik atuisoqarsinnaaneranut tunnga- sumik inuusuttut ilinniarfiini tigusisarnerit aningaasartornar- tuusut kukkusumillu paasissutis- sanik kinguneqarsinnaallutik.	Ilaqutariinner- mut, Naligiis- sitaanermut Isumaginnin- nermullu Naa- lackersuiso- qarfik.	Naamik	Aningaasartuutitut tunngatillugu innersuunneqassaaq siunnersuummut nassuiaatini aningaasaqarnermut im- mikkoortoq, tamatumani kinguneris- sasai pillugit allaaserinnittoq. Tas- sani ersippoq aningaasartuutissat annertussusissaat nammanneqarsin- naasutut isikkoqartoq, tamannalu isi- gineqassasoq iluaqusiissutissatut siunnersuutip kingunerisassai ilin- niartitaanerit illersorneqarnerulernis- saat eqqarsaatigalugu. Misiligutissatut tiguneqartartut mi- sissorneqartarnerisa qanoq tatiginar- tigissusiat eqqarsaatigalugu siunner- summi § 7, imm. 1-imi erseqqissar- neqarpoq misiligutissanik misissui- nervi periaatsit misilerarneqarluar- simasut akuerisaasullu atorneqartar- tussaasut, siunertaralugu.

			Misileeriaatsinut assigiinngitsunut piumasaqaateqarnerup saniatigut aalajangersakkami aamma naatsorsuutaavoq misiligutissamik tiguisup piginnaaneqarnissaa misiligummik tigusineq qanoq ingerlanneqartussaanersoq pillugu aammalu inernerusut qanoq paasineqartussaanersut.
Nassuiaatini ersippoq siunnersuutip ilaatigut siunertarigaa ilisimasaqarfigineqalernissaat atorerluinermi ajornartorsiutaasinnaasut, taamalu ilisimasassanik pisariqartunik peqalernissaq siunnerfilersukkamik suliniuteqarnissanut. Taamaattoq apeqqusertariaqarpoq misiligutissanik tiguisarnerit pineqartut uppersaasinnaanersut WHO-p paasinninneranut naapertuuttunik, tassani pineqarmata aangajaarniutunik atuinerit imatut annertussuseqartut timimut, ilisimassutsimut aammalu inooqatigiinnermut atorerluisuusumut avatangiisaanullu sunniuttartumik.	Ilaqutariinnermut, Naligiisitaanermut Isumaginninnermullu Naalakkersuisoqarfik.	Aap	Siunnersuummi anguniagaq siulleq tassaavoq ilinniagaqartut ilinniarnmilu avatangiisit illersorneqarnissaat, soorluli ilinniagaqarfiit ilinniartullu ineqarfii ajornartorsiutip annertussusia pillugu nalilersuisinnaasut. Siunnersuummi siunertanut ilaasimannngimmat ilinniarfiit ilinniagaqartullu ineqarfiisa atorerluinerup annertussusia WHO-p periaasiinut naleqquttumik uppersartassagaat tamanna maanna inatsisissamut nassuiaatini erseqissarneqarpoq.
Misissuinerit ilaasa takutittarsimavaat atorerluineq allanngorsinnaasartoq qanoq pissarsiuminasusiat aangajaarniutit apeqqutaalluni, tamatumuuna atorerluineq annikillinngikkaluarlugu. Assersuutigalugu ikiaroomartumut hash-imut tunngatillugu misissuisarnermik aallartitsisoqarpat, tamatuma kingunerisinnaavaa aangajaarniutitut allanut ilaat innarliisinnaanerujussuarnut nutser-toqalenera.	Ilaqutariinnermut, Naligiisitaanermut Isumaginninnermullu Naalakkersuisoqarfik.	Naamik	Tamatumunnga nalunaarneqassaaq siunnersuut aallaavittut aangajaarniutitut inerteqqutaasunut tamanut tunngatitaammat, taamalu hashimuinnaanngitsoq. Isumaliutit nalunaarneqartut taamaappat isumaqassapput aangajaarniutit ulorianartut ilaat akueriinnasagigut, taakkua taarsiullugit atorneqarsinnaammata.

<p>Inatsimmut nassuiaatini ersippoq una ” ikiorsiissutissanik pisariaqartunik aallartitsinissamut pisariaqarpoq atornerluineq pissusiusutut akuerineqarsimassasoq ersittumillu nassuerutigineqarsimassasoq.” Misiligut atuisoqarneranut ersiutaasunik paasissutissanik imalik ersittumik atornerluinermik nassuerutiginnertut taaneqarsinnaangilaq. Nassuiaatini ersittumik nalunaallaqunarpoq qaqugukkut atornerluineq allaaserineqarnersoq inatsisit aamma peqqissutsimut tunngasumik paasinnittarnerit tunngavigalugit.</p>	<p>Ilaqutariinnermut, Naligiisitaanermut Isumaginninnermullu Naalakkersuisoqarfik.</p>	<p>Aap</p>	<p>Erseqqissarneqarnikuuvoq siunnersuut taamaallaat aangajaarniutunik inerteqqutaasunik atuinermut tunngasuummat, taamaattumillu nammineq isummernani misiligutissamik tigusineq nammineq atornerluisuunermut ersiutaanersaq pillugu, peqqissutsimiit isigigaanni, taamaattuni nalinginnaasumik tunngaviusarmat siviisuumik akuttunngitsumillu pingitsoorsinnaajunnaartitsigajuttumik atuisoqartarnera.</p>
<p>Ersittoqangilaq pisinnaatitsissummik inuusuttut ilinniagaqarfiinut tunniussisoqarneranik, uppernarsaalluni misissuisarnissamut pineqaatissiisarnissamullu inuusuttut sunngiffimmini suliaat pillugit. Tamanna isiginiarneqassaaq ikiaroorntoq hashi qaammatit marluk angullugit misissuiluni misiligutissanik tigusinikkut nassaarineqarsinnaasarnaniit.</p>	<p>Ilaqutariinnermut, Naligiisitaanermut Isumaginninnermullu Naalakkersuisoqarfik.</p>	<p>Naamik</p>	<p>Aallarniutigalugu erseqqissarneqassaaq paatsuisumik paasinninnerummat naatsorsuutigigaanni siunnersuut taamaallaat inuusuttut ilinniartitaanerranni taamaallaat atortuutinneqassasoq. Siunnersuut ilinniarfinni ilinniagaqartullu ineqarfiini atortuutinneqassaaq.</p> <p>Tamatuma saniatigut siunnersuut siunertaqangilaq pineqaatissiisarnissamik ilinniagaqarfiusut ilinniar-tunullu ineqarfiusut avataanni pisuni. Soorluli inatsisissatut siunnersuummi ersittoq aalajangiisuuvoq avatangiisit ilinniartoqarfiusut aangajaarniutitut illersorneqarnissaat. Tamannalu ingerlanneqassaaq inuit ilinniagaqarfiusuni ilinniartulluunniit ineqarfigisaanni najuuttut ikiaroor-tullu misiligutissanik tigusiffigineqartarnerisigut.</p> <p>Ilutigisaanillu pingaaruteqarpoq ma-</p>

			<p>lugeqqussallugu siunnersuut taamaallaat ikiaroorntartumut hash-imut tunngannimmat, tusarniaanermi oqaaseqaatit pineqartut qitiutittutut pissuseqarfigerpassitaannut. Siunnersuullu tassa aangajaarniutinut ataatsimut tunngasuuvoq, aamma hash-imut.</p>
<p>Misissueriaaseq qanoq ittoq apeq-qutaalluni aammalu killiliussassat qanoq ittut tunngavigineqarnerat hashi qaammatit marluk angullugit misiligutissanik tigusinikkut uuttoqarsinnaavoq. Inatsisiliortoqassapat misiligutissanik tiguseriaaseq inatsimmi isummerfiusariaqarpoq.</p>	<p>Ilaqutariinnermut, Naligiisitaanermut Isumaginninnermullu Naalakkersuisoqarfik.</p>	<p>Naamik</p>	<p>Kalaallit Nunaanni Imigassaq Ikiaroorntartorlu pillugit siunnersuisoqatigiit kissaatigisimavaat suliassaqarfimmi tassani akuersaannigsumik tunngaveqartumik ingerlatsisoqar-nissaa, tamannalu siunnersuummi ersersinneqarpoq.</p> <p>Taamaattumik pissusissamisuussanngilaq akuerissallugu inuit ilinniarfinniissinnaassasut imaluunniit ilinniagaqartut ineqarfiinissinnaassasut annikikkaluartumilluunniit aanga-jarniummik timiminni peqarlutik. Pissutsit taamaattut ilinniagaqarfinik illersuinissamik siunnersuut naapertorlugu siunertaqarnermut naapertuutissanngillat.</p> <p>Ilutigisaanik uteqqinneqassaaq siunnersuut hash-imut taamaallaat tunngasuunngimmat, tusarniaanermut akissummi qitiutinneqartumut. Siunnersuummi pineqarput aanga-jarniutit inerteqqutaasut ataatsimut, tamatumani aamma hashi.</p> <p>Misissuinermi periaatsinut apeqqut taanna siunnersuummi § 7, imm. 1-imi aqunneqareerpoq, soorluttaaq aalajangersakkat imm. 2-ani suli anner-tunerusunik maleruagassiorsinnaa-</p>

			nermut periarfissaqartitsisoqartoq.
Inatsisiliornerup isummerfigisariaqarpaa isumaginninnikkut sullissinermi sutigut kinguneqarsinnaanersoq inunnut ataasiakkaanut, ilinniagaqartarnermut suliffissarsiortarnermullu atatillugu.	Ilaqutariinnermut, Naligiisitaanermut Isumaginninermullu Naalakkersuisoqarfik.	Naamik	<p>Tusarniaanermut akissut soorluuna paatsuisimasoq siunnersuutip pingaarnertut anguniagaanut atatillugu. Siunnersuut siunnerfeqarpoq ilinniagaqarfiusunik avatangiisinik illersuinissamik.</p> <p>Siunnersuutip taamaallaat nalunaarpaa inuk misissuinikkut aangajaarniutitik atuisutut paasineqartoq, ilinniartulluunniit ineqarfianni, mianersoqqussumik tunineqassasoq. Taamaasilluni siunnersuutip aqunngilaa arlaleriarluni aangajaarniutitik atonerluineq, taamaallaallu nalunaarlugu ileqqorissarnermut maleruagassani tamanna aqunneqassasoq, kinguneqartitsisoqartassappat aammaarluni misiligtissamik tigusiffigineqarnikkut aangajaarniutitik atuisuusutut paasisaqartoqartoq.</p> <p>Kiisalu aamma siunnersuut isumaqanngilaq ilinniagaqartoq misiligtissamik tigusiffigineqarenermigut aangajaarniutitik atuisuusutut paasineqartoq ingerlaannaq ilinniarnerniit inigisaminilluunniit anisitaassasoq.</p> <p>Ingerlatsivimmit anisitaaneq tamatumalu kingunerisaanik immaqaa ilinniagaqartut ineqarfianni ineqarsinnaanermiillu tamatuma kingunerisaanik taamaallaat karantænerneqarsinnaavoq taamaallaat pineqartoq</p>

			arlaleriarluni missuiffigineqarnermi-gut atuisuusutut paasineqartaruni. Tassani apeqqutaassaa ileqqorissaar-nissaamut malittarisassat qanoq ima-qarnersut.
Pisortanut aningaasaqarnikkut allaffissornikkullu kingunerisas-saasa ataanni ersinngillat ilassuti-tut aningaasartuutissat tapersiisar-nermut immaqalu katsorsartinner-mut, atornerluisuunermut atatillu-gu. Naatsorsuutigisariaqarpoq mi-siligutissanik tiguisarnerup ator-nerluisut arlaqartut nassaarisassa-gai.	Ilaqutariinner-mut, Naligiis-sitaanermut Isumaginnin-nermullu Naa-lakkersuiso-qarfik. Inuussutissar-siornermut, Suliffeqarner-mut Niuerner-mullu Naalak-kersuisoqarfik	Naamik	Inuit atornerluisuusut/nappaateqartut assersuutigalugu aangajaarniutunik imigassamik, imaluunniit aningaasa-noornermik katsorsarneqartarnerat inatsisini allani aquneqarpoq. Siunnersuutip aningaasatigut kingu-nerisassai ersarissumik nassuiaatini allaaserineqarput. Oqaatigineqareersutut siunnersuut inuit aangajaarniutunik allanillu atornerluisuusut pinngitsuuisinnaan-gitsullu katsorsarneqartarnerannut tunngasuunngilaq, apeqqutit taa-maattut peqqinnissaqarfimmit sulia-rineqartarmata. Tassanilu tamatu-munnga tunngatillugu inatsisinut atuuttunut innersuussisoqassaaq. Atornerluisunut assigiinngitsunut tunngasumik katsorsaasarnernut aningaasartuutit pillugit matuma ilutigisaanik Peqqissutsimut Naa-lakkersuisoqarfimmut innersuussi-neqassaaq, taakkua nassuiaasiaannut Kalaallit Nunaanni atornerluisunik katsorsaasarneq pillugu, 2015-imeer-sumut.
Ilinniakkamiit peersitaaneq ilima-nanngilaq iluaqutaasinnaasoq pi-neqartup atornerluinerminik uni-titsinissaanut. Pineqartut inuiaqa-tigiinni aningaasatigut annertuu-	Ilaqutariinner-mut, Naligiis-sitaanermut Isumaginnin-nermullu Naa-	Naamik	Oqaaseqaatit soorluuna siunner-suummi pingaarnertut siunnerfiusut ilaannut sammititaasut. Siullertut erseqqissarneqassaaq siun-

<p>mik oqimaarsaatinnguinnarsinnaavoq.</p> <p>Isumaginninnikkut politikkimiit isigigaanni torrallataangilaq inuk ilinniarnissamiit mattutissalugu, periarfissat allat nungussimatinnagit.</p>	<p>lakkersuisoqarfik.</p>	<p>nersuummi taamaallat pineqarmat inuk misiligutissamik tiguisisoqarnratigut aangajaarniutunik atuisuusutut paasineqartoq, ilinniarfimmi imaluunniit ilinniartut ineqarfianni, mianersoqqussummik tunineqartussaamat. Siunnersuummi taamaasilluni aqunneqanngilaq arlaleriarluni atuisutut paasineqarneq, eqqaassanngikkaanni tamanna ileqqorissarnissamut malittarisassani aqunneqartussaasutut aalajangigaasoq, kinguneqartitsisoqassappat assersuutigalugu aammaarluni aangajaarniutunik atornerluisuusutut misissuinikkut paasineqarneq.</p> <p>Taamaasilluni siunnersuut imaanngilaq kinguneqartussaasoq ilinniagaqartup misissuinikkut aangajaarniutunik atuisutut paasineqartup ingerlaannaq ilinniakkamiit ilinniar-tulluunniit ineqarfianiit anisitaanerani kinguneqartussaasoq.</p> <p>Tassami tamanna aatsaat pisariaqalersinnaammat suli ingerlaqqittumik aangajaarniutunik ilinniarfimmi imaluunniit ilinniagaqartut ineqarfianni atornerluisuunikkut.</p> <p>Tamatumalu saniatigut oqaatigineqartut isiginngitsuusaarpasippaat inatsinik unioqqutitsisumik aangajaarniutunik atuinerup ilinniagaqarnermut ingerlatsivinni kingunerisartagai, ilaatigut soorlu Meeqqanut Oqaaseqartartup oqaaserisai aangajaarniutit inuusuttuaqqat ilinniarnissaannut atugarissaarnissaannullu ki-</p>
---	---------------------------	---

			<p>ngunerisartagaat pillugit. Tamatumunga naapertuuttumik siunnersuutikkut naqqissuserneqarpoq aanga-jaarniutit akuerineqarsinnaanngitsut nunatsinni ilinniartuutit aamma ilinniartut ineqarfiini.</p> <p>Kiisalu siuliani eqqaaneqartumut katsorsartinnissamut neqeroorutaasunut innersuussisoqassaaq.</p>
<p>Maleruagassaqartariaqarpoq misiligutissamik tigusinikkut atuisuunerup paasineqartup mianersoqqussutilluunniit qanoq nalunaarsorneqartarnissaa toqqortarineqartarnissaaluunniit pillugu, misiligutissamik tigusiiffigineqarsimasumut tamanna ajoqutaasumik kinguneqaqqunagu.</p>	<p>Ilaqutariinnermut, Naligiissitaanermut Isumaginninnermullu Naalakkersuisoqarfik.</p>	Naamik	<p>Siunnersuutip § 14-iani ersereerpoq misiligutissamik tigusiinnermit sinnikuusinnaasut nungutserlugit aserortserneqassasut, soorluttaaq teknikkikkut aaqqissuussaannikkullu sillimaniarnermi iliuuseqartoqassasoq, paasissutissat misiliinnermiit pisut susassaqqanngitsunit pissarsiarineqannginnissaat, atornerlunneqqannginnissaat imaluunniit siunnersuutaasoq inatsisilluunniit uniorlugit atorneqqannginnissaat eqqarsaatigalugu.</p>
<p>Siunnersuummi ersinngilaq ilinniartuutit imaluunniit ilinniartut ineqarfiini pisortaasunut piunasaqaa-taasoq ajunngitsumik periaaseqarfigisassagaat inuk misiligutissamik tigusiisoqarneratigut atornerluisuusutut paasineqarsimasoq.</p>	<p>Ilaqutariinnermut, Naligiissitaanermut Isumaginninnermullu Naalakkersuisoqarfik.</p>	Naamik	<p>Misiligut tiguneqartoq ersersitsippat atornerluinermik ersarissumik, tamanna ilinniartuutit ilinniartulluunniit ineqarfiata taamaattuni innersuuttariaqarpaa eqqortumik susassaqqartu-nut.</p> <p>Ilinniartuutit ilinniartulluunniit ineqarfiini sulisut naatsorsuutigineqanngilaq taamaattuni pisariaqartunik piginnaaneqartut, atornerluisunik sullissinissamut.</p>
<p>Misiligutissamik tigusiiffigineqar-nissamut itigartitsineq atornerluisuunertut isigineqartassappat, tamanna isumaqarpoq ilinniartuutit ilinniartulluunniit ineqarfiini pi-sortaasut aalajangiisartuulissasut</p>	<p>Ilaqutariinnermut, Naligiissitaanermut Isumaginninnermullu Naalakkersuiso-</p>	Naamik	<p>Oqaaseqaat taamungaannartumik paasinninneruvoq. Pisortaasut ingerlatsivimmi innersuussinerinngilaat, kisiannili inatsisip innersuussineraa misissiligutissamik tigusiiffigineqar-nissamik itigartitsineq kinguneqar-</p>

<p>kina inatsisit naapertorlugit aangajaarniutunik inatsisunik unioq-qutitsisumik atornerluisuunersoq pillugu.</p>	<p>qarfik.</p>		<p>tussaasoq.</p>
<p>Ersippoq misiligutissanik tigusi-soqartarnissaa atornerqassasoq ilinniarfiusuni aalajangersimasuni aangajaarniutunik atuisoqarsinnaanera immikkut ulorianartorsiortitsiviusinnaasuni. Ilinniakkat suut tamatumani pineqarpat, aamma kiap tamanna nalilertassavaa.</p>	<p>Ilaqutariinnermut, Naligiisitaanermut Isumaginninnermullu Naalakkersuisoqarfik.</p>	<p>Naamik</p>	<p>Soorluli siunnersuummi ersittoq misiligutissanik tiguisinnaanermut periarfissaq inuussutissarsiutinut uloriarnartunik suliaqarfiusartunut atuuppoq, sillimaniarnermiit isigaluni immikkut piumasaqarfiusunut pissutsinik tamakkiisumik takunnissinnaanissamut, aammalu timeq atorlugu periataarsinnaanissamut. Tassalu pineqarput inuussutissarsiutit eqqumaarinnginnerup kingunerisaanik inummut namminermut allanulluunniit ajorluinnartumik kinguneqarfiusinnaasut. Pineqarput inuussutissarsiutit imarsiornermi, qaartitserisarnerni imaluunniit ilinniartitaanerit maskiinanik angisuunik aqutsinissamut piumasaqarfiusut, il.il.</p> <p>Tamatumunnga atatillugu siunnersuummi § 6, imm. 2-mi ersippoq tamatumunnga oqartussaaneq qinnuteqarnikkut pisortaqarfimmut akisussaasumiit akuersissuteqartoqartassasoq. Tassalu taamaalilluni suliami pineqartumi oqartussaasut aalajangiisussaapput ilinniartitaaneq § 6, imm. 2-p ataani inissisimassanersoq.</p>
<p>Inunnut tunngasumik paasissutissanut inatsimmut innersuussisoqarpoq, 2016-ip ingerlanerani atortuulersussatut naatsorsuutigineqartumut. Taamaattoq suli nalorninarpoq taanna atortuulersinneqassanersoq. Siunnersuut nalunaarsuisarnermut inatsimmut a-</p>	<p>Ilaqutariinnermut, Naligiisitaanermut Isumaginninnermullu Naalakkersuisoqarfik.</p>	<p>Aap</p>	<p>Inunnut tunngasumik paasissutissanut inatsit inatsisip matuma atortuulernerani suli atortuulersinneqarsimangippat, misiligutissanik tiguisarneq isiginiagassat assinginik isiginiagaqarluni isumagineqartassaaq pisortatut oqartussaasut nalunaarsuffiutaat pillugit inatsit nr. 294, 8. ju-</p>

tuuttumut qanoq inissisimava.			ni 1978-imeersoq naapertorlugu. Kingulliullugu eqqaaneqartumut atattillugu siunnersuut piumasaqaatinik pilersitsisussaangilaq nalunaarsuifiliortarnissanut, siunnersuut nalunaarsuisarnissanik il.il. pilersitsisussaangimmat.
Qeqqata Kommuniata inatsisissatut siunnersuut tapersorsorpaa, kisiannili aamma isumaqarluni ilinniarfinni aamma ilinniartut ineqarfiini sulisut tamarmik misiligutissanik tigusiffigineqartariaqartut.	Qeqqata Kommunia	Naamik	Oqaatigineqassaaq sulisuusunut atugassarititaasut malittarisassat allat naapertorlugit aquneqarmata, tasanilu siullertut atorfeqarnermi atugassarititaasutigut, isumaqatigiissutitsigut atsiorneqarsimasutigut. Taamaattumik sulisuusut misiligutissanik tigusiffigineqartarsinnaanerannut apeqqutit malittarisassat taakua naapertorlugit sammineqartusapput, siunnersuummiunngitsoq.
Kommunip kissaatigaa ilinniartitaanerni avatangiisit toqqissisimasut aangajaarniutinillu atuiffiunngitsut, kisiannili isorinnittumik isiginiarlugu qanoq inuit misiligutissamik tigusiffigineqarlutik atuisuusutut paasineqartut pineqartarnissaat. Kommunimmi misigisimasarpaa ajornartorsiuteqartoq inunnut atuisuunerminnik nassuerutiginnissimasunut, katsorsartsikkusuttunullu tunngattillugu.	Qeqqata Kommunia	Naamik	Naatsorsuutigineqanngilaq atuisuusutut misiligutit tamarmik katsorsarneqarnissamik pisariaqartitsinerussasut, peqqissutsimiit isigalugu. Taamaattoq Naalakkersuisut akuersaarnartinngilaat katsorsartinnissamik pisariaqartitsisunut tamanut neqeroorutissaqannippat. Taamaattumik atornerluisunik katsorsaasarnermi aqqissuussineq allanngortitserneqarpoq, kommunini tamani katsorsaaveqarlernissaa siunertaralugu, ilutigisaanillu katsorsaasarneq annertunerujartortumik inuit unitsinnagit ingerlanneqartalersinniarnaqarluni.
Inuusuttut amerlasuut Piareersarfik nutaamik aallartseriarnissamut periarfissatut isigaat, taamaattumik taakua mattunnagit nukit-torsakkamik kommunini ilaqtariinnermut immikkoortortat,	Qeqqata Kommunia	Naamik	Piareersarfik siunnersuummi aalajangersakkani taamaallaat ilaasinnaavoq Piareersarfik Naalakkersuisunik isumaqatigiissuteqarnikkut ilinniakkanik neqerooruteqartaruni. Kisianni kommuni aalajangersinnaavoq Pia-

<p>ilaqutariinnut qitiusumik ingerlatsiviit susassaqtullu allat suleqatigiinnissaat nukittorsartariaqarpoq, pineqartut tapersorsorniarlugit peqqinnarnerusumillu inuuneqarlernissamut kissaataanni ikiorlugit.</p>			<p>reersarfimmi pineqartumi tassungalu atasumik ilinniagaqartut ineqarfiini atornerluisoqarnersoq pillugu misiligitissanik tigusisoqartassanngitsoq. Kommuni aalajangissappat misiligitissanik tigusisoqartassasoq kommunip ilinniagaqartut toqqisisimasunik aangajaarniutsinillu atuiffiunngitsunik avatangiiseqarnissaa naammassiumallugu, taava kommunip ileqqorissaarnissamut malittarisassat imatut aaqqissuussinnaavai arlaleriarluniluunniit misiligitinik tigusinik kut aangajaarniutinik atuisuuneq paasineqaraluartoq Piareersarfimmiit pineqartumit ilinniartulluunniit ineqarfianniit anisitaassutaasassanngitsoq. Tamatumunngalu atatillugu aalajangiisuulluinnarpoq siunnersuut taamaallaat ingerlatsivinnut misissuisarnissamik pisariaqartitsisunut neqeroorutitut isigineqassasoq. Tamatuma saniatigut siunnersuutip akornusinngilaa suliassaqarfiit akimorlugit suleqatigiittoqarsinnaanera qularnaarniarlugu inuit atornerluisuusut sapinngisamik annertunerpaamik tapersorsorneqarnissaat.</p>
<p>Ilinniagaqartut pasinarsarneqartariaqanngillat.</p>	<p>Qeqqata Kommunia, SIK, IMAK</p>	<p>Naamik</p>	<p>Siunnersuut siunertaqarpiarpoq pingitsoorniassallugu pasinarsaasoqarnissaa, misiligitissamik tigusinik kut qularnaarneqarsinnaammat pasinartumik pissusilersornerup, assersuutigalugu ersittumik ikiaroortutut pissusilersorneq ilumut aangajaarniutinik atuisimanermik pissuteqarnersoq.</p> <p>Taamaattumik naapertuutinngilaq ersittumik ikiaroortutut pissusilersortup misiligitissamik tigusiffigine-</p>

			<p>qarnera pasinarsaanertut isigissallugu.</p> <p>Tamatumunnga atatillugu suli aammaarlugu erseqqissarneqassaaq misiligutissamik tigusineq taamaallaat piviusunngortinneqarsinnaammat tunngavissalimmik aangajaarniutitik atuisoqarnera pasitsaanneqarsimappat.</p>
<p>Siunnersuutip § 10, imm. 4-ani ersippoq aappassaanik paasisaqarfigisami pineqaatissiinnissamut periarfissat ilinniartinni imaluunniit ilinniartut ineqarfiini aalajangersarneqartussaasut. Tamatumunnga atatillugu pissusissamisoortutut isumaqarfigineqarsinnaavoq pineqaatissiissutaasinnaasunut killiliussat erseqqissaavigineqarnissaat, § 10, imm. 4-mut nassuiaatini. Erseqqissaateqarneq suut isiginiagassaanersut pillugit ilinniartuup ilinniartulluunniit ineqarfiata nalilersulerpagu ilinniartuup pineqartoq suli aamma mianersoqquneqaaqqissanersuq imaluunniit peersinneqassanersuq.</p>	<p>Pinngortitamut Avatangiisinut Inatsisinillu Atortitsinermut Naalakkersuisoqarfik</p>	<p>Aap</p>	<p>Pissusissamisoortutut nalilerneqarsimavoq oqaaseqaat nassuiaatinut ilanngutissallugu, siunertaralugu ilinniartuup aamma ilinniartut ineqarfiisa maleruagassiortarnerannut ilitersuuteqarnissaq. Tamanna pivuq siunnersuutip § 4-anut nassuiaatini. Maanna siunnersuummut nassuiaatini § 4-mut tunngasuni ersilerpoq malittarisassanik unioqquitsinerup pineqaatissiisarnikkut kingunerisassaani, arlaleriarluni unioqquitsinerit isiginiarneqartassasut piffissalersuinnikkut, qanga kingullermik pineqartoq aangajaarniutitik atuisutut paasineqarsimanersuq eqqarsaatigalugu. Tamatumalu saniatigut ersilerpoq ileqqorissaarnissamut malittarisassat suliarineqartassasut allaffissornikkut ingerlatsinermi atsikkutigiissaakkamik aaqquissuussilluni.</p>
<p>Pissusissamisoortutut issorinarpoq erseqqissassallugu ilinniagaqartoq qanoq ittunik periarfissaqarner-suq, ilinniagaqartuup ilinniartitaanermiit peersitaasimasup ilinniakkamut qaqugukkut uteqqissinnaanera eqqarsaatigalugu. Pineqaatissiineq pineqartoq pillugu paasissutissat qanoq toqqorne-</p>	<p>Pinngortitamut Avatangiisinut Inatsisinillu Atortitsinermut Naalakkersuisoqarfik</p>	<p>Naamik</p>	<p>Pingaaruteqarpoq erseqqissassallugu siunnersuut siunnerfeqanngimmat ilinniagaqartunut kinguneqartitsisarnissamik, kisanili taamaallaat siunnerfeqarluni ilinniarnikkut avatangiisinik illersuinissamik.</p> <p>Taamaattumik ilinniagaqartoq ilinniakkamiit taamaatitsinneqarnikuu-</p>

<p>qassappat, qanoq sivistigisumik, ilinniagaqartumullu sunnuteqassappat taanna piffissap aalajangersimasup qaangiunneratigut kissaateqassappat ilinniakkamut tassunga peersitaaffigisimasaminut uteqqikkusulluni.</p>			<p>soq arlaleriarluni misissuiffigineqarnermigut aangajaarniutinik inertequtaasunik atuisuusutut paasineqartarsimasoq, aamma qinnuteqarsinnaavoq ilinniakkamut iseqqinnissaminut, pineqartup piunasaqaatit nalinginnaasut naammassisinnaagunigit.</p> <p>Allatut oqaatigalugu, siusinnerusukut pineqaatissiissutaasimasut akornutissaasunik iseqqissinnaanermut tunngaviusinnaanngillat, siunnersuut inunnik ilinniartitaanerniit peersimaartitsiniutaanngimmat.</p>
<p>IMAK-p tusagassiutitsigut ilisimavaa aangajaarniutinut tunngatillugu Imarsionermut Ilinniarfimmi Paamiuni ajornartorsiuteqarsimasoq. Ilisimaneqarpa ilinniarfinni ilinniartullu ineqarfiini allani pissutsit qanoq innersut.</p>	<p>IMAK</p>	<p>Naamik</p>	<p>Nalunaarneqartut ilinniarfimmi eqqaaneqartumi annertuunik ajornartorsiuteqartoqartarsimavoq. Kingornagut ilinniarnertuunngorniarfinniit ilisimatitsissutigineqartarpoq nalileneqartoq taamatut annertutigisunik ajornartorsiuteqartoqanngitsoq.</p> <p>Tamannarpiaq tunngavigalugu siunnersuut ilinniagaqarfiusunut ilinniartullu ineqarfiinut ajornartorsiutinik naammattuuisartunut neqeroorutitut ilusilersugaavoq. Siunnersuutillu taamaasilluni kingunerissanngilaa ataatsimut assigiimmik ilinniarfinni ilinniartullu ineqarfiini misiligutissanik tigusiortulernissaq.</p>
<p>Ilinniagaqartumut qanormita isumaqassava, ilinniarneq aallartiinnartoq aangajaarniutinik inertequtaasunik atuisuusimasinnaaneq pillugu misiligummik tunniussisariaqarluni.</p>	<p>IMAK</p>	<p>Naamik</p>	<p>Oqaaseqaat paatsoornermik tunngaveqarsimassaaq. Siunnersuut assigiissaakkamik tamanut misiligutissanik tiguisarnissamik kinguneqartussaannngilaq. Siunnersuut taamaallaat ilinniarfinnit ilinniartullu ineqarfiinit tigussaasunik ajornartorsiuteqartartunit atorneqartussaavoq, assersuutigalugu aangajaarniutinut</p>

			tunngatillugu. Tamatumalu sania- tigut misiligitissamik tigusineq taa- maallaat pisinnaavoq tunngavissa- limmik pasitsaassisoqarsimatillugu, aangajaarniutunik atuisoqartarnera- nik, assersuutigalugu ersittorsuarmik ikiaroortunik inunnik takussaasoqar- tarneratigut.
Arlaleriarluni aangajaarniutunik inerteqputaasunik atuisuusutut misissuinikkut paasineqartarsima- gaanni, pineqaatissiissut ilinniar- fiup pineqartup ileqqorissaarnis- samut malittarisassai apeqputaal- lutik qanoq pineqarnissaq aala- jangerneqartassaaq. Ileqqorissaarnissamut malerua- gassat assigiinngisitaarsinnaapput, tamannalu assigiinngisitsisoqar- sinnaaneranik aarlerinaateqartitsi- voq.	IMAK	Naamik	Ileqqorissaarnissamut malittarisassat tamarmik naalakkersuisoqarfiup pineqartup pingaarnertut nakkutillii- sussaanerisa iluanniipput, soorluttaaq ileqqorissaarnissamut malittarisassat siuliani eqqaaneqartutut suliarineqar- tussaasut allaffissornikkut ingerlatsi- nermi malittarisassat tunngavigalu- git. Taamaattumik killeqassaaq ileq- qorissaarnissamut malittarisassat qanoq assigiinngitsigisinnaaneri. Tamatumalu saniatigut ilaavoq kis- saatigineqarmat sumiiffinni nammi- nemi pissutsinik isiginiaanissaq. Tamatumani assersuutigineqarsinnaavoq ilinniarfiit ilinniartitsineranni ulori- anartunik naammattuugassaqartar- neq.
Ernummatigineqarpoq arlalissuit ilinniakkaniit peersitaasinnaasut, inerteqputaasunik aangajaarniu- tinik atuisuusutut misissuinikkut paasineqarunik.	IMAK	Naamik	Iluatungaanik naatsorsuutigineqar- poq ilinniartoqarfiit toqqissisima- nartut aangajaarniutinillu takusas- saqarfiunngitsut, soorlu Meeqqat Oqaaseqartartuanit kissaatigineqar- tutut, ilinniarfiit ilinniartullu ineqarfii orniginarnerulersillugillu najoruminarnerulersissagaat.
Inuiaqatigiinni inuit aalajangersi- masut malersornerannut taarsiul- lugu pinaveersaartitsineq paasisi- tsiniaanerlu sammineqartariaqar- put, soorluttaaq siunnersuummi	IMAK	Naamik	Siunnersuut siunertaqanngilaq inuit aangajaarniutunik atuisartut maler- sussallugit. Siunnersuulli pingaar- nertut siunertaqarpoq ilinniarnermik ingerlatsiviusut illersornissaannik,

<p>innuttaasut aangajaarniutininik inerteqqutaasunik atuisuusut katsorsarneqarsinnaanerit periarfissinngikkaa.</p>			<p>qularnaassallugulu ingerlalluarneq toqqissisimanerlu ilinniarkinneq ilinniagaqartullu ineqarfiini.</p> <p>Tamatumalu saniatigut ilumuunngilaq siunnersuutip periarfissinngikkaa inuit aangajaarniutininik atuisuusutut misiligummik tigusinikkut paasineqartut katsorsartissinnaannginnerat. Katsorsarneqarnissamut neqerootit tamarmik ammapput inunnut kikkunnulluunniit atonerluisuusutut paasineqartunut, atuisuusutullu misiligummik tigusiffigineqarnikkut paasineqarneq ersiutaasarpoq katsorsartittariaqarnermut.</p>
<p>Kisitsisinik takussutissaqanngilaq ersersitsisinik aangajaarniutininik inerteqqutaasunik atuineq ilinniakkanit taamaatiinnartarnernut sunniuteqartoq.</p>	<p>IMAK</p>	<p>Naamik</p>	<p>Misissuinerit arlaqartut takussutissaqartippaat ataqatigiittut. Ilaatigut nalunaarusiami "Hash som pædagogisk problem" tassalu "hash-i peror-saanikkut ajornartorsiutitut 2014-imeersumi, Danmarkimi Center for Ungdomsforskning-imeersumi ilinniartut Danmarkimi gymnasianiit aamma inuussutissarsiutitut ilinniarkinneq taamaatiinnartut affaat ikiaroornartumik / aangajaarniummik hashimik ajornartorsiuteqartartut.</p> <p>Tigussaasunik tunngavissanik soqanngilaq naatsorsuutigissallugu nuna-tsinni pissutsit allaanerusinnaasut.</p> <p>Soorluli Meeqqat Oqaaseqartartuata nalunaaraa tusarniaanermut akis-summini aangajaarniutininik atuineq ajornartorsiutaavoq piviusoq, inuussutut ilinniagaqarsinnaanerannut.</p>
<p>Qanormi ilinniagaqartut aangajaarniutininik sulinngiffeqarnermin-</p>	<p>IMAK</p>	<p>Naamik</p>	<p>Ilumoorpoq aangajaarniutit ilaat, soorlu hash qaammatit marluk angul-</p>

<p>ni atuisut, imaluunniit ilinniarneq aallartitsinnagu atuisut, aangajaarniutillu suli timimi uninngasut, piffissamilu ilinniarnep ingerlanerani suli paasineqarfiusinnaasut.</p> <p>Tassa imaappoq; misiligutissamik tiguserup nammineq takutittanngilaa qanga aangajaarniutit ator-neqarsimansut.</p>	<p>Imigassaq Ikiaroor- torlu pillugit siunnersuiso- qatigiit</p>		<p>lugit timimi suli nassaarineqarsinnaasarpog. Inuk pineqartut pissusilersornermigut takutitsipat pasitsaassinissamut pissutissaasunik, tamanna misiligutissamik tigusermik kinguneqarsinnaavoq, naak aangajaarniutit atuarneq suli aallartinngitsog ator-neqarsimagaluartut. Aalajangiisuusorli tassani tassa avatangiisit ilinniagaqarfiusut aangajaarniuteqannginnissaat, tamatumanilu aamma aangajaarniutit timimiittut ilaapput.</p>
<p>Ilinniarfik qanoq pissusilersussava ilinniagaqartoq aalakoorniluni bil-inik ingerlasog, politiinillu unitsinneqartoq eqqarsaatigalugu. Tamanna ilinniagaqartumut kinguneqassava.</p>	<p>IMAK</p>	<p>Naamik</p>	<p>Inatsisissatut siunnersuut siunertaqarpoq aangajaarniutunik inerteqqu-taasunik atuisoqartarnera aqussallugu, ilinniarfinni ilinniartullu ineqarfiini. Inatsisissatut siunnersuutip atuuffissaata avataaniippoq imigas-sartorsimallutik bilertut aqunnissaat, soorluli siunnersuutip aamma aqunngikkaa assersuutigalugu ilin-niagaqartut pinerluttaalisitsiner-mut inatsimmik unioqutitsisarneri, assersuutigalugu pisiniarfinni tillin-niarnerit, aserortserinerit, inatsisini-lluunniit unioqutitsinerit allat.</p>
<p>Tigussaasumik neqeroorutissamik amigaateqarpoq inun-nut ilinniagaqartunut ilinniagaqartulluunniit ineqarfiini najugaqartunut, aangajaarniutinillu atuisuusutut misissuinikkut paasisaasunut.</p>	<p>Inuussutissar-siornermut, Suliffeqarner-mut Niuerner-mullu Naalak-kersuisoqarfik</p>	<p>Naamik</p>	<p>Oqaatigineqareersutut katsorsartin-nissamut neqeroorutit misissuinikkut paasisaasunut tamanut ammasuus-sapput, aamma pissutsit takutissimappassuk paasisat takutikkaat ka-tsorsartinnissaq pisariaqartuusog.</p> <p>Kiisalu atonerluisunik katsorsaasarneq nutaamik aaqqissuunneqartus-saavoq, kommunini tamani katsor-saaveqalerneratigut, ilutigisaanillu katsorsaariaaseq allannguuteqassal-luni, unititsinani katsorsaananngor-lugu.</p>

			<p>Naatsorsuutigineqarpoq katsorsaaviit paasissutissiisarnissaat neqerooruteqarlutillu. Kiisalu inuit pineqartut namminneq pisussaaffigissavaat pisariaqartunik ikiorneqarnissamut saaffiginnittarnissaq.</p> <p>Ilutigisaanik oqaatigineqassaaq siunnersuut suliaammat ilinniakkanik ilinniartunik ilinniartullu ineqarfiini najugaqartunik allanik illersuinissamik siunertaqartumik.</p>
Iliusissatut pilersaarummik amigaaqarpoq periaasissanut, mianersoqqussummik tunisisoqarsimatillugu pineqatumut, misiligitiguneqartup atuisuunermik takutitsisimanerani.	Inuussutissarsiornermut, Suliffeqarnermut Niuernernullu Naalakkersuisoqarfik	Naamik	Periaaseqarpoq, assersuutigalugu mianersoqqusutunik tunniussisarnermi. Siunnersuummilu aamma ersippoq mianersoqqussummik tunisisarneq allaffissornikkut ingerlatsisnermi periaatsit iluaniimmat, taamalu illuatungeriinnik tusarniaanissamik, tunngavilersuinissamik, naammagittaalliteqartarnermili ilitsersuisarnermik pisariaqartitsiviulluni.
Sooq siunnersuut tusarniaassutigineqanngila Imigassaq Ikiaroorartorlu pillugit siunnersuisoqatigiinnut, Nakorsaaneqarfimmu, Pinerluttulerinermi pinaveersaartitsinermut siunnersuisoqatigiinnut, politiinut, Illersuisuusartut peqatigiiffiannut imaluunniit Eqqartuussissuserisut peqatigiiffiannut.	Imigassaq Ikiaroorartorlu pillugit siunnersuisoqatigiit	Naamik	Siunnersuut tusarniaassutigineqarpoq Imigassaq Ikiaroorartorlu pillugit siunnersuisoqatigiinnut, Nakorsaaneqarfimmullu, siunnersuut Peqqisutsimut Naalakkersuisoqarfimmu tusarniaassutigineqarmat, ingerlatsiviillu taakkua marluk tassunga atassuummata. Taamaattumik aamma assersuutigalugu imartuunik Imigassaq Ikiaroorartorlu pillugit siunnersuisoqatigiinnit imartuunik tusarniaanermi akissutunik tigusaqartoqarpoq, siunnersuummut tapersersuisunik.
			Siunnersuutip tigussaasumik Politii- nut, Illersuisuusartut Eqqartuussis-

			<p>suserisullu Peqatigiiffiannulluunniit immikkut nassiuuneqarsimannginneranut tunngaviuvoq siunnersuut aangajaarniutinik atuisuunermik pinerlunninngortitsinngimmat, ilinniarfinni ineqarfinnilu pisunik. Aangajaarniutit pineqartut maanna inatsisini inerteqqutaareerput, kisiannili siunnersuummi aalajangersakanik unioqqutitsineq pinerluttulerinermut inatsimmut tunngatillugu pineqaatissiinernik kinguneqartanngilat. Taamaattumik suliami uani inissaminiinngilaq assersuutigalugu politiit, illersuisuusartut il.il. akulerutissallugit.</p> <p>Kiisalu oqaatigineqassaaq Pinerluttulerinermut pinaveersaartitsinermut siunnersuisoqatigiit - Det Kriminalpræventive Råd - naalagaaffeqatigiinnermi oqartussanut ilaasusut, soorluttaaq siunnersuut nunatsinni Naalagaaffiup sinniisaanut tusarni-aassutigineqartoq.</p>
Erseqqissarneqanngilaq kiap misilugitissamik tigusinissaq akisussaaffigineraa ingerlatissaneraalu.	Imigassaq Ikiaroorlortorlu pillugit siunnersuisoqatigiit	Naamik	Tamatumunnga oqartussaaffik ilinniarfimmi imaluunniit ilinniartut ineqarfianni pisortaasuniippoq. Kinarpiaanersoq ingerlatsiviup pineqartup aaqqissuussaananerani inatsisit naaperlortugit inissisimavoq. Assersuutigalugu inuussutissarsiutinut ilinniarfik pineqarpat forstanderiussaaq, kisiannili GU pineqarpat rektoriussalluni.
Erseqqissarneqanngilaq misilugit atuisuunermik ersersitsisoq sutigut kinguneqartussaananersoq.	Imigassaq Ikiaroorlortorlu pillugit siunnersuisoqatigiit	Naamik	Siunnersuummi § 10, imm. 3-mi ersarippoq misiligummik tigusinermi atuisuuneq paasineqarpat, ilinnia-gaqartoq mianersoqqunneqartussaasoq, misilugit tiguneqartoq ilinniarnermi ilinniartulluunniit ineqarfia-

			niinnermi siulliuppat. Kiisalu aalajangersakkami pineqartumi tassani aamma imm. 4-mi ersippoq pineqartuq aammaarluni aangajaarniutunik atuisuusutut misissuiffigineqaqqippat, taava pineqaatissiineq ilinniarfiup ineqarfiulluunniit ileqqorissarnissamut malittarisassai naapertorlugit aaqqissuunneqassasoq.
Isumaliutissiisummi 1039 ukiumi 1985-imeersumi eqqartuussiveqarnermut inatsisip avataani pinngitsaaliisummik akulerunneq atorqeqsinnaasoq, pinerluuteqartuqarsimaneramik pasitsaassisimnermi. Isumaliutissiisummi ajornartorsiut tunngaviusoq eqqaaneqartuq ajornartorsiortitsisinnavoq eqqartuussiveqarnikkut malersuinissami unnerluutiginnittoqarnera pinngitsaaliilluni iliuuseqarsimaneq tunngavigalugu.	Imigassaq Ikiaroorartorlu pillugit siunnersuisoqatigiit	Naamik	Siunnersuutip pingaarnertut siunertaa tassaavoq ilinniarnermik ingerlatsiviit illersornissaat. Inuup misissuiffigineqarnermigut atuisuusutut paasineqartup eqqartuussivitsigut malersorneqarsinnaaneranut apeqqut siunnersuutip susasaqarfiisa avataaniippoq, soorluttaaq siunnersuummi ersarilluinnartumik nalunaarneqartuq misiligutissamik tiguisarneq taamaallaat pisinnaasoq allaganngorlugu peqataanissamut akuersisoqarneratigut.
Kapitalimi 2-mi misiligutissamik tiguisinnaanermut tunngaviususani oqaatigineqarpoq peqataanissamut akuersineq siumoortumik tunniunneqartartoq, aammalu piffissaq sivisooq ingerlasinnaasoq misiligummik piviusumik tiguisoqarnissaanut, tamannalu inatsisunik atortitsinermi isumaliornartortaqsinnaavoq nalorninermillu pilersitsisinnaalluni.	Imigassaq Ikiaroorartorlu pillugit siunnersuisoqatigiit	Naamik	§ 3, imm. 1, oqaaseqatigiit aappaanni piffissalersuinermit nalunaarsukat akuersissummik tunniussisoqarnissaanut taamaallaat akuersissummik tunniussinissamut sivisunerpaamik piffissaliussanik nalunaarsuipput. Taamaasilluni ersippoq akuersinissaq piunaneqarsinnaasoq siusinnerpaamik ilinniarnerup aallartinnerani imaluunniit ilinniartut ineqarfianni ineqarnissamut isumaqatigiisuteqarnermi. Taamaattumik piunasaqaataangilaq akuersineq sioqqutsumik pissarsiarineqartassasoq.
§ 7-imi nalunaarneqarpoq misiligutissamik tiguisineq ingerlanneqartassasoq misissueriaatsit tatigi-	Imigassaq Ikiaroorartorlu pillugit	Aap	Soorluli aamma qulaani eqqaaneqartuq siunnerfiuvoq aalajangersakkap siumoortumik aalajangiuteriissan-

<p>nartut atortussiallu naleqqutut atortlugit, sapinngisamik minnerpaamik akornusersuisumik toqqissisimanarnerpaamillu aaqqissuunneqartumik, soorluli imm. 2 naapertorlugu tamatumunnga tunngasunik male-ruagassiortoqarsinnaasoq. Taa- maasilluni erseqqissarneqanngilaq misiligutissamik tiguseriaa- seq qanoq ittoq tatiginarneruner- soq, misileeriaatsit qanoq ittut atornissaannut qanoq ittunik piu- maqaateqartoqassanersoq, kiisalu taakkua qanoq allanngoriartorner- nut malinnaatinneqartassanersut, ilisimasat nutaat saqqummiunne- qartartut eqqarsaatigalugit. Kiisa- lu aamma ersarissumik nassuiar- neqanngilaq avatangiisit toqqis- sisimanartut qanoq paasineqas- sanersut, aamma qanoq ilinniar- fiit piumasagaatinik pineqartunik naammassinnittassanersut. Taa- maattut pinerluuteqarsimaner- mut eqqartuussivitsigut suliassanngor- titsisoqassappat qassiiliuutinngor- titsisinnaapput.</p>	<p>siunnersuiso- qatigiit</p>		<p>ngikkaa misissueriaatsit qanoq ittut atorneqartassanersut. Tamanna pis- suteqarpoq isiginiarneqarmat misili- gutissanik tiguseriaatsit ineriartortin- neqartuarnerat, pitsaanerusunillu taarteqartuarnerat, soorluli tamanna aamma nassuiaatini maanna nalu- naarneqartoq. Suliassaqarfimmi tas- sani ineriartortitsineq ima sukkatigi- voq pissusissamisuuassasani siumoor- tumik aalajangiussinissaq misiligu- tissanik tiguseriaatsinik atuisoqar- tarnissaa pillugu, sivitsunngitsaq allanngortinneqartussanik, taamalu periaatsit atorneqartut nutaanngile- reersimassallutik.</p> <p>Aalajangersakkap taamatut isikko- qartillugu allanneqarsimanerata pe- riarfissaqartippaa ineriartornermut malinnaajuarnissaq, immikkut ilisi- masat pisariaqartut akulerunneqar- tarnerisigut.</p> <p>Toqqissisimanartunik avatangiise- qarnissamut atatillugu ilutigisaanik nalunaarneqarpoq misiligutissamik tigusineq ungalusap iluani ingerlan- neqartassasoq, eqqiluitsumi misili- gutissamillu tigusiffigineqartumut pisariaqanngitsumik akornusersui- nertaqanngitsumik.</p>
<p>§ 8, imm. 2 paasissutissanik misil- ligutitsigut pissarsiarineqartunik isumannaatsumik inissiisarneq pi- sariaqanngitsutut nalunaarsuisar- ner- mut inatsit naapertorlugu isi- gineqarpoq. Aalajangersagaq allatut oqaasertalertariaqarpoq, nalunaarsuisarner- mut inatsimmut</p>	<p>Imigassaq Ikiaroor- nar- torlu pillugit siunnersuiso- qatigiit</p>	<p>Naamik</p>	<p>Pissusissamisoortinneqarsimavoq aalajangersakkap siunnersuummi atortinnarnissaa, taamaalilluni atui- sup sukkuilluunniit ilisimassammagu pisussaaffik pingaaruteqartoq. Tama- tumalu saniatigut paasissutissanut tunngasumik inatsimmut tunngasut suli nalorninaateqarnerat, ilisimane-</p>

<p>atuuttumut innersuussin- ngortillugu. Aalajangersakkap unioqqutinneqarneratigut nalu- naarsuisarnermut inatsit atortuu- tineqassaaq, kisiannili paasissu- tissanik isertuutassanik ingerla- titseqinnerni pinerluttulerinermut inatsit atorpeqartassalluni.</p>			<p>qartutut isumaliutigineqarmat inuit paasissutissaataannut inatsisip Kalaallit Nunaanni atortuulersinne- qarnissaa maanna atuuttumut taar- siullugu.</p>
<p>Apeqquuserneqarpoq periarfissa- qassanersoq politiinut ilinniartut ineqarfianni ineqartup anisinne- qarnissaa suliaritinneqarsinnaa- nersoq, misissuinikkut aangajaar- niutinik atuisuuneq paasineqarpat.</p>	<p>Imigassaq Ikiaroor- torlu pillugit siunnersuiso- qatigiit</p>	<p>Naamik</p>	<p>Tamatumunngalu oqaatigineqassaaq maanna ukiuni arlalissuannortuni ileqqooreermat ilinniagaqartut ine- qarfianniit anisitsisoqartarnera, aa- ngajaarniutinik atuisarneq uppernar- saatissaqartinneqartartoq tunngaviga- lugu, attartornermut isumaqatigiis- summik atorunnaarsitsinikkut, ase- rortserisoqartarneratigut, imaluunniit allatigut ilinniartut ineqarfianni ileqqorissaarnissamut malittarisassat unioqqutinneqartarnerisigut.</p>
<p>§ 10 imaqartariaqarpoq illuatu- ngeriit tusarniarneqartarnerannik.</p>	<p>Imigassaq Ikiaroor- torlu pillugit siunnersuiso- qatigiit</p>	<p>Naamik</p>	<p>Tamanna inatsisit teknikkitaasigut eqqortuussanngilaq, illuatungeriinnik tusarniaasarneq sulianik ingerlatsi- sarnermut inatsimmi ersereermat, allaffissornikkut ingerlatsinermi aa- aalajangiinerit pineqartillugit.</p>
<p>Isumaliutigisariaqarpoq inatsisit naapertorlugit inunnut aalaja- ngersakkamik ikkussinissaq.</p>	<p>Imigassaq Ikiaroor- torlu pillugit siunnersuiso- qatigiit</p>	<p>Aap</p>	<p>Oqaaseqaat ilanngunneqarpoq ilan- gunniarlugit inatsisinik unioqquti- tsinerit inatsisit naapertorlugit inum- mit pilersinneqarsimasut.</p>
<p>Siunnersuut aningaasaqarnikkut allaffissornikkullu killeqartunik nukinnik ilinniarfennut atuiffiu- sussaavoq. Innersuussisoqarpoq ilinniagaqartut 60 %-ii angullugit aangajaarniutinik atuisartuusut. Atuisutut tunngavilimmik pasine- qartut taamak amerlatigippata taava ilinniarfiit ineqarfiillu</p>	<p>Imigassaq Ikiaroor- torlu pillugit siunnersuiso- qatigiit</p>	<p>Naamik</p>	<p>Misiligutissamik tigusinernut tun- ngasumik aningaasartuutit ingerla- tsivimmumut aningaasaliissutit iluanni akilerneqartassapput.</p> <p>Assersuutip saqqummiunneqartup ingerlatsivinni pineqartuni pissusi- viusut allaaserigunanngilai, soorluli misiligutissamik tigusinissamut pe-</p>

<p>ingerlatsinermut qitiusumik aningaasaataannik atuisoqartariaqassaaq.</p>			<p>riarfissap nammineq pinaveersaartitsineratigut pisariaqartitsineq annikinnerulissasoq. Tamatumalu saniatigut ingerlatsiviit arlaqartut oqaatigaat ilimaginagu misiligutissanik tigusisoqartarnissaa.</p>
<p>Siunnersuisoqatigiit neriutigaat siunnersuut pinaveersaartitsinikut pitsaasunik kinguneqassasoq. Siunnersuisoqatigiillu ilutigisaa-nik ernummatigaat innuttaassut akornanni assigiinngitsumik siunnersuutip sunniuteqarsinnaanera, innuttaasut atugarissaannginnerusut ilinniagaqarnissamillu pisariaqartitsinerit eqqorneqarsinnaammata.</p>	<p>Imigassaq Ikiaroor-nar-torlu pillugit siunnersuisoqatigiit</p>	<p>Naamik</p>	<p>Siunnersuutip pingaarnertut siunertaa ilinniarfiit illersorneqarnissaa-nik nammineq naatsorsuutaavoq inu-it inuuniarnermikkut ajornartorsiutilit ingammik ilinniakkamik naam-massinnittalernissaannut ilinniarner-mut avatangiisini toqqissisimasuni aqqtissiuuseqataassasoq.</p>
<p>Siunnersuummut ilutigitillu pinaveersaartitsinermut suliniummik suliaqartoqartariaqarpoq. Tamatumunnga atatillugu pinaveersaartitsineq katsorsaanerlu annertoqataa-nik qitiutittariaqarpoq kinguneqartitsisarnermut sanilliullugu.</p>	<p>Imigassaq Ikiaroor-nar-torlu pillugit siunnersuisoqatigiit</p>	<p>Naamik</p>	<p>Nuna tamakkerlugu hashimut atattillugu pinaveersaartitsinermut iliusissatut pilersaarummi eqqum-maariffigineqareerput meeqqat inuusuttuaqqallu hashimik atorner-luisarneri, soorlu siuliani aamma eqqaaneqareersoq. Qitiutitani aamma ilaavoq neqeroorutissanik ineriartortitsineq, suliniuteqarneq siusis-sukkullu paasisaqartarneq, siunnersuiffiusumik oqaloqatiginnittarneq, aamma meeqqanut inuusuttuaqqanullu tapersersuilluni suliniutit. Tamatumalu saniatigut Naalakker-suisut Pinerluttaalisitsinermi siunnersuisoqatigiit - Kriminalpræven-tive Råd - suleqatigalugu aangjaar-niutininik atuinerup sunniutigisartagai pillugit paasisitsiniutininik suliaqarsi-mapput. Paasisitsiniutit saaffiginnip-put angajoqqaanut inuusuttuaqqanul-lu, aammalu atuartitsinerni atorner-qarsinnaallutik. Tamatumalu sania-</p>

			<p>tigut aamma ilitsersuutininik qanoq ilinornikkut aangajaarniutininut tunngasumik politikkimik suliaqartoqartarner-soq angajoqqaanut, atuarfiit siulersuisuinut, ilinniartitsisunut aamma pisortaasunut meeqqat atuarfiini inuusuttunullu ilinniartitsisunut suliaqartoqarnikuvoq.</p> <p>Kiisalu aamma soorlu uani qulaani ASG-mut oqaaseqaammi allaaserineqartoq tamanna aamma pillugu nutaamik paasisitsiniummik suliaqartoqarsimavoq "inuusunneq pakkuguk" inersimasut akisussaaffii qitiutillugit aammalu meeqqat inuusuttuaqqallu peqqissumik inooriaaseqarnermi tapersorsorniarlugit. Siunertaasoq tassani pingaarneq tassaasimavoq meeqqat inuusuttuaqqallu siusissumik tobamik, imigassamik aalakoornartumik aamma aangajaarniutininik atuilersinnaanerit pinaveersaartiniarneqarmat.</p> <p>Naalakkersuisut peqqissutsimi iliuusissatut pilersaarutaanni Inuuneritta II-mi tassa aangajaarniutit imigassarlut inuiaqatigiinni peqqissutsimut ajornartorsiutit annertut isigaat, taamalu qitiusumik suliniuteqarfissatut, apeqqutaatinnagu atornerluisuuneq sumut sammiveqarner-soq. Soorlu ersittoq annertuumik pinaveersaartitsiniarluni suliniutininik ingerlatsisoqartuarpoq.</p>
<p>Nalilerneqarpoq pingaaruteqartut pinaveersaartitsinermut naliginnaasumut atatillugu siusissukut suliniutininik iliuuseqartoqartar-</p>	<p>Kommuneqarfik Sermersooq</p>	<p>Naamik</p>	<p>Soorlu uani qulaani ersittoq sumillunniit ingerlaavartumik annertuumillu suliniuteqartoqartuarpoq pinaveersaartitsinermik siunerta-</p>

nissaa, aangajaarniutitik atornerluisunut, ilinniarfinni ilinniartullu ineqarfiini.			qartumik.
Aalajangiisuvoq misiligutissamik tiguisarneq iliuusissanut allanut sanilliullugu atsikkutigiiisaartumik atorneqarnissaa, aammalu iliuusiusussat taakkununga naapertuuttuunissaat. Pingaartineqarpoq pissutsit pineqartut Naalakkersuisut ilinniarfinnik inatsit naapertorlugu nakkutilliineranni ilaanissaat, aamma ilinniartut ineqarfiisa inatsimmik atortitsineranni.	Kommuneqarfik Sermersooq	Naamik	Naalakkersuisut taamaallaat tusarniaanermut akissut isumaqatigisinaavaat, soorluttaaq atsikkutigiiisaartumik isiginninniarneq periaaseqarniarnerlu siunnersuummi matumani immikkoortuni tamani tunngaviginiarneqarsimasoq.
Pineqaatissiissutissanik toqqasarnermut atatillugu, aangajaarniutitik atuisoqartartoq paasineqaraangat, § 10, imm. 3 aamma 4 naapertorlugit, kissaatigineqarpoq atassusiisoqassasoq misiligummik misissuinerup inernerata aamma ilinniagaqartup ilinniartulluunniit ineqarfianni ineqartup nammineerluni peqataanissaanut katsorsaanssamut attaviliinermi, allatulluunniit sullinneqarnissamut, taamalu pineqaatissiissutaasup sakkukillineqarsinnaaneranut atorunnaarsinnaaneranulluunniit.	Kommuneqarfik Sermersooq	Aap	Siunnersuummut nassuiaatini § 4-mut tunngatillugu ileqqorissaarnissamut malittarisassani pineqaatissiissutissamik aalajangiisarnermut atatillugu pineqaatissiissutissat aalajangerneqartassasut allaffissornikkut aqutsinermi ileqquusuni atsikkutigiiisaartumik naliliisoqarluni aalajangiisoqartassasoq. Ilinniagaqartorlu taamaasilluni misissuinikkut atuisuusoq paasineqarpat aappassaanik pingajussaaniilluunniit inatsisitigut kingunerisassaa mianersoqqusummik tunisinermik kinguneqarsinnaavoq, siullermik unioqqutitsineq qangali pisimappat. Pissusissamisussaarluni ilanngutissallu ilinniagaqartup piunnaassuseqarluni katsorsartissinnaaneranut neqeroorummik tiguisinnaanera, atuisuunermut misissuinikkut paasisamut tunngatillugu.
Eqqumiigineqarsinnaavoq siunnersuut atorneqarsinnaanngimmat	SPS	Naamik	Tamanna tunngaveqarpoq inatsisunik atortitsinikkut ileqqunik pingaarner-

<p>aaqqissuussamik periaaseqarluni misiligutissanik tiguisarnermik ingerlatsisoqarsinnaannginnera, taamalu tamakkiinerusumik takusinnaanngorlugu ilinniartitaanerit iluanni atornerluinerup annertussusia.</p>			<p>mik, aammalu atsikkutigiissaartumik ingerlatsinissami isumaliutinik, kiisalu kissaatigineqarmat iliuseqarnissaq sunniuteqarsinnaasumik, pisariaqartitsiviusuni. Taamaattumik siunnersuut taamaallaat atortsinneqarsinnaavoq pasitsaassaqaqsimanermik tunngaveqartumik, ilinniartitaanernilu ulorianaateqartunik suliaqarfiusuni.</p>
<p>Imarsiornermik Ilinniarfiup assut iluarisimaarpai suliniutit Ilinniartitaanermut, Kultureqarnermut Ilimatusarnermut Ilageeqarnermullu Naalackersuisoqarfimmut aallartinneqarsimasut, tusarniaanermi siunnersuut saqqummiunneqartoq eqqarsaatigalugu, Imarsiornermik Ilinniarfimmilu suliniutinut aallartinneqareersimasunut tapersersuutitut isigalugit, maanna tassani illup iluani malit-tarisassiornikkut aalajangersarneqareersimasunut, pitsaassutsinik aaqqissuussinermut atatillugu. Imarsiornermik Ilinniarfimmi siunnersuutip atortuulersinneqarnera pisinnaassaaq ingerlaannartumik, siunnersuutip inaarutaasumik atortuulersinneqarneraniit.</p>	<p>Imarsiornermik Ilinniarfik</p>	<p>Naamik</p>	<p>Oqaaseqaatit siunnersuummik allannguinnessamut pissutissaqartitsinngillat.</p>

Kiisalu KANUKOKA, Aalisarnermut, Piniarnermut Nunalerinermullu Naalackersuisoqarfik, GUX Aasiaat, Qaasuitsup Kommunia, Nakorsaatinut Aqutsisoqarfik, Ineqarnermut, Sanaartornermut Attaveqaqatigiinnermullu Naalackersuisoqarfik aamma Ilimatusarfik nalunaarput siunnersuummut oqaaseqaatissaqaratik.